



STUDENT & FAMILY HANDBOOK

20 Warren Street
Brighton, MA 02135
617-635-9860



Indisi

Indisi	2
Stória y Mison di BGA	4
Diklarason di Nau Diskriminason	4
Admisons	4
Kalendáriu Skular SY 2025/26	5
Oráriu Skular	5
Datas di Inisiu y Fin, Saídas Antisipadu y Dias sen Aula	5
Oráriu di Sinus (pa aulas)	6
Lista di Pesual	7
Asiduidadi	9
Auzensias	9
Atrazus	10
Saída antisipadu	10
Instalasons	12
Direitus y Responsabilidadis di Alunus	14
Direitus di Alunus	14
Responsabilidadis di Alunus	16
Konduta di Alunus	17
Diretrizis di Siguransa	17
Valoris di BGA: Kel 5 R's	17
Regras di Skola	17
Protokolu di Entrada di Alunus: Virifikason di Muxilas y Ditetoris di Metal	18
Pulitika di Telemóveis/ Dispuzitivus Ilettróniku	19
Dizonestidadi Akadémiku / Plájiu	21
Pulitika di Vestuáriu	21
Disiplina	22
Niveis di Disiplina Prugresivu	23
Intimidason	24
Praxi	24
Apoi u a Alunu	27
Ikipa di Apoi u a Alunu (SST)	27
Idukason spesial	27
Dipartamentu di Saúdi Skular	27
Dinunsiantis Obrigatóriu	28
Prugramas Isternu	28

Transporti	28
Transporti di Autokarus Amarelu y Pasis MBTA	28
Transporti Publiku	29
Prusidimentus di Transporti di Imerjensia	29
Atletismu	31
Akadémiku	33
Pulitika di Avaliason	33
Skala di Avaliason	33
Pulitika di Prumuson y Ritenson	34
Rikizitus di Furmatura na Ensinu Sikundáriu	35
Rikizitu di Diterminason di Konpetensias pa Furmatura (CD)	36
Ofertas di Kursus	36
Opurtunidadis di Aprendizajen Asileradu	36
Idukason Tékniku y Profisiunal (CTE)	38
Rikizitus di Admison	38
Prugreson di Prugrama	38
Prinsipal Karakteristikas	38
Rizultadus	39
Prugramason Verdi	40
BGA Green Line (Linha Verdi di BGA): Un Skola Publiku Verdi na Ambienti Urbanu	40
Triangulu di Sustentabilidadi	40
Kultura Verdi y Prátika Diáriu	40
Spuzisons Verdi	41
Aprendizajen sperensial y Baziadu na Lugar	41
Inseramentu	41



Pa ten infourmasons más ditalhadu sobri pulitikas, servisus y prusidimentus na distritu interu, familias ta ser insentivadu a konsulta **Manual di Distritu di Skolas Publiku di Boston**, ki ta rizumi txeu leis, pulitikas, rigulamentus y prátikas útil y inpurtanti pa atual alunos y sis pais, familias y inkaregadus di idukason.

Manual sta dispunivel online y é podi ser asesadu li: [Manual di Distritu BPS.](#)

Stória y Mison di BGA

Stória

Boston Green Academy é un lugar spesial, un Horace Mann Charter School «dentu di distritu» ki ta orgulha di fazi parti di Skolas Publiku di Boston. Fundadu na 2011 pa un grupu konprumetidu di idukadoris y menbrus di kumunidade di Boston, BGA é úniku skola di Boston fokadu na sustentabilidadi y na preparason di prósimu jerson di lidere diversifikadu pa fakuladadi y kareras verdi (ikulójiku).

Sulisitadu pa Skolas Publiku di Boston pa riverti situason di un skola sikundáriu en difikuldadis, BGA konsigi rienisia Odyssey High School, na South Boston ku susesu, y, na tré anu, é bira skola sikundáriu ki más ivului entri Skolas Publiku di Boston y un di kes ki más ivului na stadu interu. Na 2014, BGA muda pa stóriu Idifisiu Taft na Brighton y nu inisia nos spanson pa inklui anus di ensinu báziku, kumesandu pa 6º anu. Na 2017, BGA alkansa nos objetivu di bira un skola konpletu pa 6º - 12º anos, ta sirbi aprosimadamenti 500 alunu di tudu bairus y orijens di Boston. BGA ta kontinua ta ser un di skolas más inuvador y ku maior ivuluson di Skolas Publiku di Boston.

Mison

Boston Green Academy ta akolhi alunu diversifikadu ku tudu tipu do abilidadis, ta iduka-s y ta kapasita-s pa ten susesu na fakuladadi y na karera, y ta prepara-s pa lidera sustentabilidadi di nos kumunidade y di mundu.

Diklarason di Nau Diskriminason

Boston Green Academy, di akordu ku pulitikas di nau diskriminason di Skolas Publiku di Boston, ka ta diskrimina na sis prugramas, instalasons o oportunitadadis di inpregu o di idukason ku bazi na rasa, kor, idadi, antisidentis kriminal (apenas konsultas), difisiensia, gravidés, falta di muradia, seksu/jéneru, identidadi di jéneru, rilijion, nasiunalidad, asendensia, orientason seksual, jenétika o kondison militar, y é ka ta tulera ninhun forma di ritaliason, intimidason, amiasa o asédiu baziadu na prikonseitus ki ta diminui dignidad di individus o ki ta interfiri na sis kapasidad di aprendi o trabadja.

Admisons

Matrikula Skular

Alunu ki sta interesadu na fazi matrikula na BGA debi prienxi un furmuláriu di admison, dispunivel na skritóriu prinsipal y na nos [site](#). Alunu ilejivel debi mora na Sidadi di Boston. Dipos di konkluidu, nomi di alunu ta bai ser inkluidu na surteiu rializadu tudu anu na més di marsu. Surteiu ta ser rializadu pa dizigna vagas pa alunu di 7º y 9º anu (na primerus anu di ingresu) y pa prienxi kualker vagas dispunivel, di akordu ku Pulitika di Admisons di BGA (tanbe dispunivel na nos site).

Lista di Spera

Alunu ki ka for silesiunadu pa un vaga através di surteiu ta bai ser kulokadu na lista di spera. A midida ki tiver vagas dispunivel, nomi ta bai ser retiradu di lista di spera y ta bai ser inviadu un kumunikadu pa familias pa oferesi vaga. Lista di spera ta permanesi ativu ti prósimu prusesu di surteiu skular na fevreru.

Kalendáriu Skular SY 2025/26

Oráriu Skular

Sig/Ter/Kin/Ses: 8:00 – 15:00

Kuarta Fera: 8:00 – 12:00

Idifisiu ta bai sta abertu pa alunus tudu dia a partir di 7:15 di pal manhan pa pikenu almosu.

Datas di Inisiu y Fin, Saídas Antisipadu y Dias sen Aula

4 di sitenbru	Primeru dia di aula
13 di otubru	Dia di Povus Indijena - Ka ten aula
11 di nuvenbru	Dia di Veteranus - Ka ten aula
26 di nuvenbru	Saída antisipadu pa alunus y funsiunárius
27-28 di nuvenbru	Férias di Ason di Grasas
22 di disenbru di 2025- 2 di janeru di 2026	Férias di Invernu - Alunos ta ritorna na 5 di janeru di 2025
19 di janeru	M.L. Dia di Martin Luther King Jr. - Ka ten aula
3 di fevreru	Saída antisipadu di Alunus / Oras di Dizenvolvimentu Prufisiunal pa Idukadoris
16 di fevreru	Dia di Prizidentis - Ka ten aula
17 - 20 di fevreru	Férias di fevreru - Alunos ta ritorna na 23 di fevreru
3 di marsu	Saída antisipadu di Alunus / Oras di Dizenvolvimentu Prufisiunal pa Idukadoris
3 di abril	Sesta Fera Santu - Ka ten aula
20 di abril	Dia di Patriota - Ka ten aula
21 - 24 di abril	Férias di Primavera - Alunos ta ritorna na 27 di abril
Maiu 25	Dia di Mimória – Ka ten aula
5 di junhu	Últimu dia pa Idozus (Dia 170)
18 di junhu	Dia di saída antisipadu pa alunus
19 di junhu	Dia da Imansipason - Ka ten aula
22 di junhu	Últimu dia di aulas (180 dia, si ninhun dia for perdedu trokadu kanselamentus). Dia di saída antisipadu pa alunus

[Link pa Kalendáriu Akadémiku 2025-26 di Skolas Publiku di Boston.](#)

Oráriu di Sinus (pa aulas)

Oráriu en Kaskata

Pa anu letivu di 2025–2026, nos skola sa ta intruduzi un novu oráriu di sinus prujetadu pa prupursiona alunos más opurtunidades di aprendizajen, apoiu y inrikisimentu dentu di skola. Es oráriu ta sigi un mudelu en kaskata, ki ta significa ma aulas ta alterna tudu dia na un padron konsistenti, en vés di es rializa tudu dia na mesmu oráriu. Objetivu é garanti ma alunos ta teni aula di kada matéria na diferentis mumentus di dia, u ki ta djuda ta ikilibra inerjia y foku na tudu disiplinas.

Monday		Tuesday		Wednesday		Thursday		Friday	
7:15-8:00	Breakfast (Optional)	7:15-8:00	Breakfast (Optional)	7:15-8:00	Breakfast (Optional)	7:15-8:00	Breakfast (Optional)	7:15-8:00	Breakfast (Optional)
8:00-8:56	A	8:00-8:56	G	8:00-8:57	F	8:00-8:56	C	8:00-8:56	B
9:00-9:56	B	9:00-9:56	A	9:01-9:56	G	9:00-9:56	D	9:00-9:56	C
10:00-10:26	ADVISORY	10:00-10:26	ADVISORY	10:02-10:59	A	10:00-10:26	ADVISORY	10:00-10:26	ADVISORY
10:30-11:26	C	10:30-11:26	B	11:03-12:00	B	10:30-11:26	E	10:30-11:26	D
12:30-12:58	D 1st Lunch (HS): 11:30-11:54 *2nd Lunch (HS): 12:02-12:26 3rd Lunch (MS): 12:34-12:58	12:30-12:58	C 1st Lunch (HS): 11:30-11:54 *2nd Lunch (HS): 12:02-12:26 3rd Lunch (MS): 12:34-12:58	12:00	DISMISSAL	12:30-12:58	F 1st Lunch (HS): 11:30-11:54 *2nd Lunch (HS): 12:02-12:26 3rd Lunch (MS): 12:34-12:58	12:30-12:58	E 1st Lunch (HS): 11:30-11:54 *2nd Lunch (HS): 12:02-12:26 3rd Lunch (MS): 12:34-12:58
1:02-1:58	E	1:02-1:58	D	12:00-12:30	Lunch (Optional)	1:02-1:58	G	1:02-1:58	F
2:02-3:00	F	2:02-3:00	E	12:30-3:00	Staff Meetings	2:02-3:00	A	2:02-3:00	G

Lista di Pesual

Administrason			
Nomi	Kargu	Email	Ramal
Matt Holzer	Diretor di Skola	mholzer@bostongreenacademy.org	32100
Yeji Son	Diretor Adjuntu di Skola, 7. ^o & 8. ^o anus	yson@bostongreenacademy.org	32092
Ryne Deckard	Diretor Adjuntu di Skola, 9. ^o - 12. ^o anu	rdeckard@bostongreenacademy.org	32096
Amal Mohamed	Diretor di Ensinu y Aprendizajen	amohamed@bostongreenacademy.org	N/A
Amanda Reveles	Diretora di Operasons	areveles@bostongreenacademy.org	32106
Dave Kramer	Diretor di Prugramas Verdi (Ikulójiku)	dkramer@bostongreenacademy.org	32108
Alex Jacobson	Kareras Verdi & Involvementu Siviku	ajacobson@bostongreenacademy.org	32108
Nathalie De La Rosa	Diretora Gabeti	ndelarosa@bostongreenacademy.org	32107
Marta Bausemer	Infermera Skular	mbausemer@bostongreenacademy.org	32091
Idukason spesial			
Alissa Long	Diretora di Idukason Spesial	along@bostongreenacademy.org	32114
Keith Guyette	Kordinadora do Idukason Spesial	kguyette@bostongreenacademy.org	32093
Kristin Femino	Ausiliar di Idukason Spesial	kfemino@bostongreenacademy.org	32104
SST: Kultura Skular			
Reginald Loving	Reitor di Alunus	rloving@bostongreenacademy.org	32102
Taron Seaforth	Asistenti di Reitor di Alunus	tseaforth@bostongreenacademy.org	
Angelina Favaloro	Diretor Disputivu / CFC	afavaloro@bostongreenacademy.org	
Patrick Coren	CFCs di Ensinu Báziku	pcoren@bostongreenacademy.org	32105
Samantha Benoit		sbenoit@bostongreenacademy.org	
Jonathan Torres		jtorres@bostongreenacademy.org	
SST: Dizenvolvimentu di Alunus			
Ashley Harton-Powell	Ajenti di Ligason ku Familia	ahartonpowell@bostongreenacademy.org	32116
Vanessa Brea	Konsilheru di Ensinu Báziku	vbrea@bostongreenacademy.org	32094
Marilyn San Inocencio	Konsilheru Skular di 9 ^o & 10 ^o Anu	msaninocencio@bostongreenacademy.org	32110
Bryant Craft	Konsilheru Skular di 11 ^o & 12 ^o Anu	bcraft@bostongreenacademy.org	32117
Jermaine Patterson	Kordinador di Ri-ingajamentu	jpatterson@bostongreenacademy.org	32101

Asiduidadi

Boston Green Academy ta leba asiduidadi mutu a sériu. Sta prizenti na skola tudu dia é bazi pa dizenpenhu di alunus y susesu akadémiku. Si alunus ka stiver na skola, es ta bai perdi kel ki sa ta inxinadu y es ta kori risku di aprizenta un dizenpenhu skular más baxu. Oras ki auzensias ta bira un padron o un prublema króniku, alunus podi fika pa trás y infrenta difikuldadis akadémiku, alen di dizafius fora di sala di aula. BGA sabi ma, di vés in kuandu, alunus sa ta bai falta skola. Nu intantu, nu ta pidi pa familias y alunus fazi tudu pusivel pa sta prizenti na skola tudu dia.

Auzensias

Auzensias Justifikadu

Pais/Inkaregadás di Idukason/Kuidadoris debi invia un email pa skola pa attendance@bostongreenacademy.org o invia un karta (pa ser entregadu na Skritóriu Prinsipal) ku alunu ta kumunika auzensia. Di priferensia, avizu di auzensia (na papel o pa e-mail) debi ser inviadu antis di auzensia, ma é podi ser inviadu dipos di rigresu di alunu. Es kumunikason debi inklui nomi di alunu, data(s) di auzensia(s) y mutivu di auzensia.

Un duensa pesual podi ser justifikadu pa pais, ma auzensias repetitivu o króniku di tré dia o más debi ser justifikadu pa un atestadu di un profusiunal di saúdi. Pa un diskrison ditalhadu di auzensias justifikadu y injustifikadu, konsulta pájina 14 di “Gia di Skolas Publiku di Boston pa Familias y Alunus”, dispunivel na site di BPS.

Ten un auzensia justifikadu ka ta dispensa alunu di rializa trabadjus di aulas ki é perdi. Alunus debi kumunika ku sis profesoris pa risebi kualker tarefas perdedu.

Auzensias justifikadu podi inklui:

- Un duensa o lezon ki ta inpidi alunu di frikuenta skola. Kel duensa o lezon debi ser konpruvadu pa un profusiunal di saúdi, infermeru di skola o pai/mai.
- Falesimentu di familiar prósimu (pai, mai, irman/irmon, avo, avó, tiu/a, primu/a; favor, furnesi un kópia di prugrama di funeral) o otu krizi pesual o familiar signifikativu.
- Konparesimentus na tribunal.
- Izamis médiku o psikulójiku duranti oráriu skular. Pai/mai debi aprizenta provas (sima un atestadu di sentru di saúdi) ma izamis ka pudia ser markadu dipos di oráriu skular.
- Feriadus rilijiozu.
- Vizitas a skolas di idukason spesial pa alunus ku difisiensia.
- Otus situason straordináriu aprovalu pa skola.

Auzensias Injustifikadu

Alguns pais ta kridita ma kualker auzensia ta bai ser justifikadu desdi ki pai/mai invia un avizu. Kela é ka verdadi. Ali alguns izenplu di **AUZENSIA KI KA TA BAI SER JUSTIFIKADU** — mesmu ki pais invia un avizu:

- Auzensia repetitivu y króniku dividu a duensa o lezon. Na kes kazu li, pa auzensia ser justifikadu, pais debi aprizenta un karta di un profusiunal di saúdi ta konprova ma alunu staba mutu duenti o feridu pa bai skola.

- Alunu mesteba tomaba konta di kriansas.
- Sai di aula sen permison (inkluindu rijista prizensa y sai di idifisiu más sedu).
- Férias familiar fora di periudu di férias skular.
- Viajen pa país di orijen prulongadu pa alen di férias skular.
- Prulongamentu di un feriadu rilijiozu o kultural pa alen di dia(s) dizignadu(s) na kalendáriu skular.
- Tilifunema o mensajen di testu pa skola ta informa auzensia di alunu.
- Alunu sta auzenti pamodi un irmon o pai/mai ten un konsulta markadu.

Senpri ki pusivel, pais debi konsulta Direktor Adjuntu Yeji Son (ensinu báziku, 7^o & 8^o) o Ryne Deckard (ensinu sikundáriu, 9^o-12^o) antis di permiti ki alunu falta skola, kazu es ka teni serteza ma auzensia ta bai ser justifikadu. *Profesoris ka teni auturidadi pa dispensa un alunu di skola.*

Alunus é risponsável pa rikupera trabadju ki es perdi kantu es staba auzenti. Intretantu, skola é ka obrigadu ta djuda alunus ta rikupera testis y tarefas ki alunu perdi pamodi faltas Injustifikadu.

Alunus ku kuantu o más faltas injustifikadu ta bai ser inkaminhadu pa ikipa di apoiu pa alunus, ki ta bai trabadja ku familia pa dizenvolvi un planu o kontratu di asiduidadi pa djuda alunu ta midjora asiduidadi.

Atrazus

Kazu alunu txiga atrasadu na aula:

- Entra en silensiu, okupa bu lugar dizignadu y aguarda profesor rikunhesi bu prizensa.
- Konsulta pulitikas y prusidimentus individual di kada profesor pa lida ku es forma di mau konduta.
- Infrasons repetidu pruvavelmenti ta bai ser inkaminhadu pa Ikipas di Apoiu pa Alunus pa intervensions adisiunal ki podi inklui, entri otus, rifleksion dipos di oráriu skular, servisu kumunitáriu y riunion ku pais/inkaregadás di idukason.
- Si un alunu txiga atrasadu 5 vés o más, kela podi rizulta na diskualifikason pa partisipason na disportu/atividadis estra-kurikular y na eskursons programadu; konformi diterminadu pa Administrason.
- Si un alunu txiga atrasadu 5 vés, kela ta ikivali a un falta injustifikadu na kel disiplina. 5 faltas injustifikadu na un periudu di avaliasion ta rizulta na un perda signifikativu di nota di partisipason.

Si Alunu txiga atrasadu na skola:

Kualker alunu ki txiga na skola dipos di toki di sinu di 8:00 ta ser markadu komu atrasadu. É debi sina na meza di atrazus pa ten un pasi ki ta permiti-l entra na si aula.

Kazus isesivu di atrazu na skola (3 o más na un semana / 10 o más na un periudu di avaliasion) ta bai ser tratadu diretamenti pa SST. Ta bai ser rializadu riunions ku familia na tentativa di identifika kauza di atrazu y diskuti un rutina ki ta permiti alunu txiga na skola pontualmenti. Perda di priviléjius y rifleksion di alunu é alguns di pusiveis konsikuensia.

Saída antisipadu

Bu fidju debi permanesi na skola duranti oráriu skular interu. Saída más sedu debi ta okori só na kazu di imerjensia. Familias debi prienxi es Furmuláriu Google pa aviza sikretaria sobri saída iminenti di sis alunu. Nu ta pidi pa nhos fazi kel ki é pusivel pa prienxi es furmuláriu pelu menus dos ora antis di saída, pa nos pesual podi sta preparadu. Si bu stiver ta dispensa várius alunu na mesmu tenpu, prienxi furmuláriu un vés pa kada alunu.

Link: bostongreenacademy.org/dimissal o através di QR code li di baxu:



Instalasons

Vizitantis:

Favor sta sienti ma vizitantis podi ka ser autorizadu pa entra na idifisiu di skola. Si bu txiga na idifisiu pa bai buska o dexe un alunu, liga pa sikretaria prinsipal o toka kanpainha na porta di frenti pa nu podi toma providencias nesesáriu. Favor nota ma é nesesáriu aprizenta identifikason adikuadu pa un alunu ser intregadu na bus kuidadu.

Ten stasiunamentu dispunivel na nos loti na parti trás pa vizitantis y familias. Favor, sertifika di rijista bu veíkulu pa bu ten un autorizason di vizitanti na sikretaria prinsipal. Sta atentu si bu stiver ta blokia algun karu y dexe un número di kontaktu na lista di vizitantis pa kazu di bu mesti tra bu karu. É ka rikumendadu stasiona frenti skola, a nau ser ki for pa imerjensas o pa asuntos ki ta dura menus di 20 minutu.

Pasis di Kuridor:

- Ka ta bai ser furnesidu pasis pa alunos na primerus 10 minutu y na últimus 10 minutu di aula.
- Alunos fora di sala di aula debi ten senpri ku es un pasi di kuredor o un pasi di atrazu.
- Abuzu di sistema di pasis podi rizulta na ristrison di pasis y na perda di priviléjius.
- Alunos debi sigi tudu sinalizason afiksadu pa sirkula senpri pa kuridoris.

Kasifus:

Kasifus é atribuídu pa tudu alunos antis di inisiu di aulas. Alunos é responsável pa da providencia na sis própriu kadiadu y es debi rijista-s ku Direktor di Operasons. Alunos podi ten asesu a sis kasifu só antis di aula, durante tranzisons y dipos di aula. Kualker atrazu rilasiunadu ku kasifus ka ta bai ser justifikadu. Alunos ka debi sai di sala di aula pa bai sis kasifu.

Alunos ka debi skrebi na parti intirior o isterior di kasifus. Es debi ser mantidu linpu y arumadu. Alunos ka debi dexe dinheru o objetus di valor na sis kasifu. Kualker danu na kasifus debi ser kumunikadu a Direktor di Operasons. Ka bu partilha kombinason di bu kasifu ku otus alunu. Ka bu kola autokolanti na kasifus, pamo es é difisil di tra. Kasifus é propriedadi di distritu skular y es sta sujeitu a inspeson na kualker momentu pa SST. Alunos é responsável pa matiriais atxadu na sis kasifu dizignadu y pa kondisons di sis kasifu. Nau kunprimentu di spetativas diskritu li di riba ta bai rizulta na rivugason di priviléjius di utilizason di kasifus.

Sala di aula au ar livri/ Kantina:

Alunos debi sta akunpanhadu pa un adultu durante tenpu interu oras ki es stiver ta utiliza es instalason durante oráriu skular. Alunos ki pritendi utiliza spasu durante almosu ta bai ser informadu pa pesual ki ta supervizona almosu si/kuandu spasu stiver dispunivel pa utilizason. Keli é un priviléjiu y é ta bai ser rivogadu na kazu di violason di regras, inkluidu bota lixu na txon.

Simulasons di Insendiu y Modu di Siguransa:

Oras ki sua alarmi di insendiu, alunos, sob orientason di sis profesor, ta bai sigi sinalizasons kulokadu na salas di aula ti pontu di saída más prósimu di skola. Salvu indikason en kontráriu, alunos ta bai ivakua pa kalsada, ta manti un kaminhu

livri ti porta di frenti pa bonberus. Turmas ta bai permanesi djuntu durante es prusesu y prizensa ta bai ser rijistadu. Pa garanti siguransa di alunus y profesor, nu ta sulisita pa tudu involvidus kunpri instrusions di pesual durante es alarmi(s).

Ta bai ser fetu un anunsio através di sistema di son si tiver nesesidadi di kuloka skola na "Modu di Siguransa". Durante es periodu, tudu alunus ta bai permanesi na salas di aula, saídas ta bai ser prutejido y alunus debi ta manti silensiu u másimu pusivel. Só un anunsio na sistema di son ki ta bai tra skola di Modu di Siguransa. Kumunikason pa kaza ta bai ser fetu u más rápido pusivel através di School Messenger ta informa sobri mutivu y durason di Modu di Siguransa.

Antis di Oráriu Skular:

Portas di frenti di Boston Green Academy ta abri pa asesu di alunus a partir di 7:15. Nihun alunu ka debi sta na idifisiu antis des oráriu.

Dipos di Oráriu Skular:

Campus di Boston Green Academy ta bai ser fixadu pa alunus dipos di fin di aulas, pa 15:00. Partisipason di alunus na kualker programa o actividad estra-kurikular debi ser senpri akunpanhadu pa adultu ki ta superviziona actividad.

Árias Nau Autorizadu:

Alunus ka podi sirkula na árias nau autorizadu. Alunus ki atxadu na kualker ária di idifisiu na kual es ka sta dizignadu ta ser konsideradu ma es sta nun ária nau autorizadu. Sta sienti ma sertus ária é nau autorizadu na determinadus oráriu di dia. Pur izenplu, si bu stiver nun skadaria kuandu bu divia staba ta almusa, ta bai ser konsideradu ma bu sta nun ária nau autorizadu.

Bibliuteka, Konputadoris, Internet:

Alunus é insentivadu ta vizita Bibliuteka ku frikuensia y ta apruveta kes diversus programa interesante ki sta dispunibel la. Durante aulas, un profesor o un menbru di pesual debi kunpanha alunus pa Bibliuteka o invia-s ku un bilheti ku data, ora y sinatura di menbru di pesual. Antis di aulas, durante almosu o dipos di aulas, alunus ka podi sta na Bibliuteka sen prizensa di Bibliutekariu. Antis y dipos di aulas, tudu alunus é benvindu pa fazi sis trabadju na Bibliuteka y pa partisipa na actividadis. Bibliuteka é un ambiente di trabadju trankuilu. Konversas debi ser senpri rasiunadu ku trabadju, konstrutivu y rispeitozu. Bibliutekariu y otus menbru di pesual ta bai asigura ma tudu alunus ta konporta di manera adikuadu na Bibliuteka y es podi pidi alunus pa sai, si for nesesariu. Txeu di kes matirial di Bibliuteka ka podi ser retiradu di dependencias di Bibliuteka. Livrus y matirial ki ta podi ser pristadu debi ser divolidu prontamenti y na bons kondison. Alunus é risponsábel pa kualker prupriedadi danifikadu o perdedu.

Direitus y Responsabilidasis di Alunus

DIREITUS Y RESPONSABILIDADIS RILASIUNADU KU KÓDIGU DI KONDATA DI BPS

Prumuson di un idukason di kualidadi y di skolas siguru y sulidáriu ta dipendi nau só di responsabilidasis y direitus di alunus, ma tanbe di kualidadi di interason entri alunus, pais/inkaregadás di idukason/kuidadoris, prufesoris, administradoris y pesual di BPS.

Direitus di Alunus

É ka pusivel inumera di forma izaustivu tudu direitus di alunus, ma kes ki sta a sigir, é fundamental pa garanti ma alunus ta ten asesu a un kumunidadi skular siguru, akulhidor y justu. Tendu en konta ma es lista ka ta abranji tudu direitus garantidu a alunus, é ka podi ser utilizadu pa nega un alunu un direitu ki ta pertense-l só pa faktu di é ka sta mensionadu li na lista.

1. Di akordu ku leis statal y federal, ninhun alunu ta bai ser iskluidu o diskriminadu ku bazi na si rasa, kor, etnia, nasiunalidadi, rilijion, seksu, orientason seksual, identidadi di jéneru, difisiensia, inkapasidadi, idadi, statutu sosio-ikunómiku, statutu militar ativu, o jenétika.
2. Alunus teni direitu di utiliza kazas di banhu, balniárius y otus instalason konpativel ku sis identidadi di jéneru o di utiliza instalasons neutru en termus di jéneru, si es prifiri.
3. Alunus teni direitu di ser txomadu pa nomi y pronomi di sis preferensia.
4. Alunus teni direitu a opurtunidasis idukativu ikuitativu, livris di intimidason (bullying), asédiu, diskriminason, prikonseitu y konduta tendensiozu.
5. Alunus teni direitu di partisipa na diterminadu atividadi skular (pur izenplu, vizitas di studu, rikreiu y disiplinas optativu). Si un vizita di studu o atividadi skular for un speriensia di aprendizajen obligatóriu y é tiver komu rizultadu un tarefa avaliadu, alunus ka debi ser privadu di opurtunidadi di partisipa. Skolas Publiku di Boston ta kridita firmementi na apoia y midjora saúdi y dizenvolvimentu sosio-imusiunal di nos alunus. Nes sentidu, é pruibidu a kualker menbru di pesual di Skolas Publiku di Boston inpidi un alunu di partisipa na atividadis fiziku (inkluindu rikreiu) o apoiu akadémiku estra-kurikular komu konsikuenta disiplinari o pa kualker otu mutivu ki ka for duensa o siguransa, o konformi aprovalu pa direktor di skola.
6. Alunus teni direitu di ka ser sujeitu a rivistas o apriensons injustifikadu, a menus ki tiver un suspeita razuável. Rivistas o apriensons debi sta en konformidadi ku pulitikas y prusidimentus stabelesidu na Sirkularis di Superintendenti sobri [Rivistas di Alunus, # SAF-1](#), y [Pulitika di Kasifus, # SAF-3](#).
7. Alunus teni direitu a sertus limitason na kriason di rilatórius di Gabinete di Siguransa Skular di Skolas Publiku di Boston y Rilatórius di Pulisia di Boston rilasiunadu ku konduta di alunus, konformi diskritu na [Pulitika sobri Preparason y Partilha di Rilatórius di Insidentis y Otus Infurmason di Alunus](#).
8. Alunus teni direitu di konsulta prufesoris, konsilherus, administradoris y otus menbru di pesual skular mediante sulisitason razuável.
9. Alunus teni direitu a un ileison livri y justu pa votu sikretu di sis kolega na guvernu studantil y direitu di izersi un kargu si es for ileitu.
10. Alunus teni direitu di ten sis vozis obidu na kestons ki ta afeta-s.

11. Alunus teni direitu di partisipa di ilaburason di regras y rigulamentus ki es sta sujeitu a el y direitu di es ser notifikadu sobri kes regras y rigulamentus.
12. Pais/inkaregadu di idukason/kuidadoris y/o alunus teni várius direitu sigundu leis statal y federal di rijistus studentil, inklundu direitu di odja tudu rijistus di sis alunu y di kontrola kenha di fora di skola ki podi ten asesu a es. (Konsulta Sirkular di Superintendenti, [#LGL-07](#)).
13. Alunus ku difisiensas podi ten direitus y prutesons adisiunal sigundu lejislasen federal y statal di idukason spesial, nu ki ta rifiri a aplikason di Kódigu di Konduta.

Alunus na skola podi izersi sis direitu a liberdadi di spresen, riunion, inpresna y asusiasen, ki ta ser es konsedidu y limitadu pa lejislasen statal y federal. Di akordu ku normas legal vijenti, alunus sta pruibidu di spresens obsenu ki podi insita a prátika di atus ilegal o ki podi kauza un perturbason substansial o interfiri matirialmenti na funsiunamentu di skola. Na auzensia di un perturbason substansial na ambienti skular y sujeitu a lejislasen aplikável, alunus teni direitu di:

1. Uza botons pulitiku, brasaderas y otus inblema di spresen sinbóliku.
2. Distribui matirial inpresu y fazi sirkula petisons na dependensias di skola, inkluzive dentu di idifisius skular, sen aurturizason préviu di administradoris di skola, isetu oras ki:
 - a. Matirial distribuidu y petisons ki ta sirkula na dependensias di skola debi izibi nomi y inderesu di individu o di organizason patrusinador (inklundu nomi y inderesu di pelu menus un menbru di grupu) ki sa ta distribui o ta fazi sirkula matirial o petison; y
 - b. pesoa(s) ki ta distribui o ta fazi sirkula matirial o petisons debi ser alunu(s) di skola involvidu; y
 - c. periodu pa es distribuisen o sirkulason debi ser limitadu a periodus antis di inisiu di aulas, dipos di saída di alunus y duranti oráriu di almosu, pa ivita interferensias na prugrama skular; y
 - d. lugaris di distribuisen o sirkulason na kada skola debi ser razuavelmenti restrinjidu di modu a permiti fluku normal di trafegu dentu skola y na entradas istorior; y
 - e. forma di distribuisen o sirkulason debi ser razuavelmenti restrinjidu di modu a previni niveis isesivu di ruídu y perturbason; y
 - f. alunus debi sta sujeitu a rikizitus razuável pa rimuson di lixu rizultanti des distribuisen o sirkulason.
3. Utiliza sis própriu kadru(s) di avizus sen sensura, desdi ki:
 - a. tudu matiriais, avizus y otus kumunikason afiksadu pa un alunu debi inklui nomi y inderesu di email di autor. Si publikason stiver rilasiunadu ku un terseru, publikason debi inklui nomi y inderesu di email di alunu y nomi y inderesu di email di pelu menus un menbru di organizason terseru; y
 - b. tudu matiriais, avizus y otus kumunikason debi sta datadu antis di publikason y ser rimuvidu dipos di un periodu razuável, pa garanti asesu total a kadru(s) di avizus.
4. Uzu razuável di sistemas di son y di otus meu di kumunikason skular, isetu ki anunsius debi ser limitadu a periodu antis di inisiu di aulas, dipos di saída y otus okasion en ki ka ten aulas.
5. Forma organizason pulitiku y susial y konduzi atividadis rilasiunadu a organizason kriadu, desdi ki adezon a grupu sta abertu a kualker alunu y debi ta kunpri pulitikas y prusidimentus di BPS.
6. Aprizenta aurturidadi skular konpitenti petisons, riklamason o kexas sobri kestons disiplinari y otus kestons rilasiunadu ku skola, isetu na kazu undi es Kódigu ta privé direitu furmal di rikursu.

7. Privasidadi pesual, inkluzive direitu di determina sis própriu aparensia y skodji sis stilu di kabelu y vestuáriu, sta sujeitu a regras razuável.

Risponsabilidadi di Alunus

Risponsabilidadi ka ta substitui regras inkluidu na Kódigu di Konduta. Nu intantu, alunus teni risponsabilidadi di:

- Rispeta direitus di kes otu.
- Rispeta diversidadi di pesual y alunus.
- Kontribui pa un ambiente idukativu siguru y sulidáriu.
- Aplika sis abilidadis y interesis pa midjora sis idukason y difendi mudansas puzitivu.
- Izersi más altu grau de autunumia, di midjor forma pusivel ta sigi Kódigu di Konduta y ta partisipa di forma signifikativu y puzitivu na konstruson di kumunidadi skular.

Konduta di Alunus

Konpromisu ku Siguransa, Kumunidadi, Rispetu y Dignidadi

Nu ten altus padron pa konduta y karáter di nos alunus y nu ta spera ma es ta sta a altura di idiais di nos kumunidadi. Pa apoia es kultura, nos alunus ta bai pratika justisa ristaurativu, auto-disiplina y rizulusion di konfliktus mediadu pa kolegas, di modu a ki es ta podi manti sis dignidadi oras ki es ta infrenta skodjas difisil y sis konsikuencia. Boston Green Academy ta adota un linguajen kumun y valoris fundamental pa manti spetativas konsistenti y prumovi rizultadus puzitivu pa nos alunus.

BGA adota Kódigu di Konduta di BPS

Diretrizis di Siguransa

- Sperimenta
- Ka ten problema na diskorda
- Sen Vergonha, Kulpa, o Ataki
- Asumi 100 % di Responsabilidadi
- Manti nos Kumunidadi

Valoris di BGA: Kel 5 R's

5 R's ta riprizenta valoris fundamental di BGA— es 5 palavra ta bai sta na kurason y na mentis di kada alunu y adultu di BGA.

Rispeitu

Trata bu kabesa y kes otu – bus pertensi y sis bens/pertensis, y bu kumunidadi – sima bu ta gostaba di ser tratadu.

Responsabilidadi

Toma konta di kuzas ki bu ten obrigason di fazi; didika kuidadozamenti a tarefas/atividadis ki ta apoia-u, ta apoia bu familia y bu kumunidadi.

Restrison (Kontenson)

Pensa antis di papia y antis di aji; kontenson; rispondi a kuzas en vés di riaji.

Resiprusidadi

Retribui kes otu, bu kumunidadi y bu kabesa; ser gratu y agradesidu pa kel ki bu dadu y inton, retribui prizenti, ason o jestu; pasa-l adianti.

Ridenson

Oferesi o sulisita perdon, un sigundu xansi o un novu kumesu pa bo, pa kes otu y pa kumunidadi; ridenson ka é apenas konsedidu, é debi ser konkistadu/meresedu.

Regras di Skola

Lukalizason y Tranzisons

- Alunus di MS y di HS debi permanesi na sis respetivu ladu di idifisiu, salvu na sirkunstansias spisifiku: pur izenplu, kantina, programa di inrikisimentu, bibliuteka, auditóriu y/o servisus di akonsilhamentu.

- Alunus ki ta utiliza servisu di autokaru amarelu debi entra direktamenti na idifisiu si ki es txiga skola.
- Alunus debi tranzita di manera siguru y silensiozu di un lugar pa kel otu dentu di idifisiu.
- Alunus ka debi uza ilevador, a menus ki es risebi un pasi di autorizason di infermera pa mutivus médiku o di saúdi.
- Alunus debi txiga aula antis di sinu, preparadus ku sis matirial y dja na sis lugar.
- Alunus debi risebi permison y un pasi di kuredor senpri ki es sai di sala di aula, y es volta pa aula dentu di 5 minutu.

Kaza di Banhu

- Alunus ka teni permison pa bai kaza banhu na primerus y últimus 10 minutu di aula.
- Debi ten apenas un pesoa pa kabini di kaza banhu.

Alimentason

- Alunus ka debi kumi o bebi na aulas, trandu águ. *Si un alunu stiver ku fomi, é debi ser inkaminhadu pa skritóriu di konsilheru skular o pa skritóriu di asistenti susial, ku un pasi pa un lanxi saudável.*
- Alunus ka debi fazi pididus di kumida pa intrega di furnesedoris isternu.

Teknulujia

- Alunus debi uza sis Chromebook só pa fins akadémiku duranti oráriu di aula.
- Alunus ka debi partilha sis palabra-pasi ku ningen.
- Alunus debi uza linguajen apurpriadu na mensajens di email, pustajens online y otus kumunikason dijital.

***Nau kunprimentu des spetativas di alunus podi rizulta na mididas disiplinar na skola. *Viulasons ripitidu podi rizulta na un infrason a Kódigu di Konduta di BPS.**

***Favor, rivé [Kódigu di Konduta di BPS](#) pa ten un lista abranjenti di infrasons y konsikuensias.**

Protokolu di Entrada di Alunus: Virifikason di Muxilas y Ditetoris di Metal

Pa manti un ambienti di aprendizajen siguru y prutejido pa tudu alunus, funsiunárius y vizitantis, nos skola stabelesi prusidimentus di siguransa ki ta aplika pa tudu kenha ki entra na idifisiu. Es mididas foi inplimentadu pa inpidi entrada di objetus pruibidu — sima armas, vaporizadoras, y otus matirial prigozu o perturbador — na skola.

Prusidimentus Diáriu di Entrada

- Tudu alunus di 7º - 12º anu é obligadu a pasa pa un ditetor di metal y ter sis muxila virifikadu oras ki es txiga tudu dia pal manhan.
- Alunus debi sigi intrusons di pesual di skola duranti es prusesu y aprizenta sis muxila pa inspeson sen dimora.
- Es prusidimentus foi prujetadu pa es ser ifisienti y respeta tenpu di alunus, na mesmu tenpu ki es ta priuriza siguransa di skola.

Prusidimentus di Rientrada

- Kualker alunu ki sai y volta ta entra na idifisiu di skola duranti oráriu skular — seja pa konsultas, aulas fora di campus o otus mutivu — debi ripiti prusesu di inspeson na ditetor de metal y virifikason di muxilas oras ki é volta.
- Alunus debi plania adikuadamenti pa garanti rigresu atenpadu pa aula dipos di prusidimentus di rientrada.

Objetus Pruibidu

Objetus a sigir é stritamente pruibidu na resintus di skola, y posi di kes objektu podi rizulta na un ason disiplinár:

- Armas o objektus ki podi ser uzadu komu armas (inkluindu kanivétis di bolsu)
- Dispuzitivus di vapurizason y asesórius
- Tabaku, álkuol o substansias ilegal
- Fogus di artifisiu o dispuzitivus insendiáriu
- Kualker objektu konsideradu prigozu o perturbador pa ambienti idukativu

Keli é ka un lista abranjenti, y skola ta rizerva direitu di konfiska kualker objektu ki ta viola pulitikas di skola o ta riprimenta risku pa siguransa.

Privasidadi y Rispetu

Nu ta rikunhesi inpurtansia di privasidadi y dignidadi di alunas. Tudú prusidimentus di triajen é konduzidu pa funsiunárius treinadu ku profisiunalismu y rispetu. Kualker priokupason sobri prusesu di triajen debi ser diresiunadu pa administrason di skola.

Pulitika di Telemóveis/ Dispuzitivus Iletióniku

Bolsa ku Trava (Yondr)

Pa prumovi un ambienti di aprenvizajen livri di distrason, BGA ta iziji ki tudú dispuzitivus iletróniku pesual di alunas, sima telemóvel, rilójius intilijenti y aurikularis, debi sta guardadu na bolsa Yondr duranti oráriu skular, inkluzive na pikenu almosu y na almosu. Bolsa é prupriedadi di skola y é konsideradu un inpréstimu pa alunu duranti anu letivu. Alunu é risponsável pa bolsa Yondr na tudú mumentus, y pa trazi bolsa di y pa skola tudú dia, y mante-l na bons kondison. Kazu alunu skesi di bolsa Yondr, é ten ki intrega ikipa di apoiu di alunu si tilifoni duranti dia interu. Si un alunu danifika o perdi si bolsa Yondr, substituison ta bai kusta US\$ 15, o bu ten ki intrega SST tilifoni tudú dia. Si bu mesti un novu bolsa, favor intrega US\$ 15 pa visi-diretora Sra. Son (7^o & 8^o anu) y Sr. Deckeard (9^o-12^o).

Oras di entra na skola, alunas ta bai disliga sis tilifoni, kuloka dispuzitivu dentu bolsa Yondr y trava-l na frenti di funsiunáriu dizignadu, inkuantu alunas ta rializa virifikason normal di muxilas. Bolsas ta bai ser distravadu na fin di dia letivu, oras ki alunas sai di idifisiu.

Nu ta intendi ma podi kontisi imerjensias. Pais podi kontakta sikretaria prinsipal pa tilifoni (617) 635-9860 pa papia ku sis fidju kazu surji un nesesidadi imediatu. Alen disu, tudú alunas podi risebi email di fora di distritu skular y es ten asesu a sis Chromebooks duranti dia. Pais podi invia emails direktamenti pa sis fidjus, alen di liga pa skola oras ki tenpu for isensial. Alunas podi tanbe kumunika entri es ta uza sis Chromebooks.

Pa tudú otus keston, konsulta [dukumentu BGA Yondr - FAQ](#).

Konsikuensias pa Viulason di Pulitika di Uzu di Telemóveis

- Primeru Infrason: Alunu ta bai ten sis tilifoni konfiskadu pa SST duranti dia interu y ta bai ser fetu un xamada pa kaza.

- **Sigundu Infrason:** Alunus ta bai ten sis tilifoni konfiskadu pa SST durante dia interu y ta bai ser fetu un xamada pa kaza. Alunus ta bai ten di intrega sis tilifoni durante 2 semana durante virifikason di muxilas.
- **Terseru Infrason:** Tudun infrason ta bai ser aplikadu y alunus ta bai ten di frikuenta aulas sábadu komu konsikuenta, alen di es ten di intrega sis tilifoni pa un periodu indifinidu, konformi diterminadu pa SST.

NOTA – violason ripetidu des pulitika podi sujeita alunus a mididas disiplinari adisiunal, en konfirmidadi ku Kódigu di Konduta di BPS.

Auskultadoris / Aurikularis

Aurikularis sen fuis (pur izenplu, AirPods) y auskultadoris over-ear (pur izenplu, Beats) ka é permitidu pa uzu na ninhun mumentu durante oráriu skular. Aurikularis sen fuis debi ser guardadu na bolsas Yondr di alunus, y auskultadoris más grandi debi permanesi na muxilas. Alunus podi uza auskultadoris ku fiu só oras ki es sta konektadu na sis Chromebooks pa fins akadémiku. Na ninhun mumentu auskultadoris debi ser uzadu na piskós o riba di oredja, indipendentimenti di es sta ta ser utilizadu o konektadu ku un dispuzitivu.

Chromebook

Ensinu Sikundáriu

Kada alunu di ensinu sikundáriu ta bai risebi un Chromebook pristadu pa anu letivu, pa apoia si aprendizajen akadémiku. Alunus é risponsábel pa leba dispuzitivu pa skola diariamenti, mante-l na bons kondison y divolve-l na fin di anu. Kualker danu, perda o furto trokadu niglijensia o utilizason individu podi rizulta na risponsabilidadi finanseru. Alunus debi uza Chromebook di akordu ku Kódigu di Konduta di Alunu y Pulitika di Utilizason Aseitábel di BPS, y kualker utilizason individu di internet o di dispuzitivu podi rizulta na ason disiplinari. Ta seta Chromebook, alunus y sis familias ta konkorda ku es termus y risponsabilidadis.

Ensinu Báziku

Boston Green Academy ta oferesi alunus di ensinu báziku asesu a Chromebooks através di karinhús di sala di aula pa djuda na aprendizajen. Alunus ka ta risebi Chromebooks individual, ma es é risponsábel pa kualker dispuzitivu inkuantu é stiver na sis posi. Keli ta signifika ma alunus debi utiliza Chromebooks ku kuidadu, ivita danus kauzadu pa utilizason inkuretu y divolve-s kuretaменти na fin di aula. Durante utilizason di un Chromebook, ta speradu ma alunus ta sigi Kódigu di Konduta di Alunus y Pulitika di Utilizason Aseitábel di Skolas Publiku di Boston, ki ta iziji pa internet ser utilizadu di manera risponsábel y só pa fins akadémiku. Kualker utilizason individu di un Chromebook o di internet, inkluidu asesu a kontiudu inprópriu, djogus o kauza danus, podi rizulta na ason disiplinari y/o risponsabilidadi finanseru. Si for nesesáriu un Chromebook pa fins akadémiku dipos di oráriu skular, familias debi kontakta Direktor di Operason pa sulisita un dispuzitivu pa leba pa kaza. Tudun regas y spetativas diskritu li di riba ta aplika tanbe pa utilizason di Chromebooks na kaza.

Tudu kes Otu Dispuzitivu Iletióniku

Tudu kes otu dispuzitivu iletróniku pesual, (sima tablets) ka é permitidu durante oráriu skular, pamodi es podi interfiri ku foku y prugresu akadémiku di alunus. Kazu un alunu ku difisiensia mesti teknulujia di apoiu pa ten asesu a si idukason, favor kontakta Kordinador di Idukason Spesial pa papia sobri adaptason adikuadu.

Dizonestidadi Akadémiku / Plájiu

Komu parti di bus tarefa di skrita na Boston Green Academy, bu ta bai ten di fazi piskiza y inkurpora ideias di otus algen pa apoia bus própriu idea. Rikursu a infurmason di fontis isternu é permitidu — y insentivadu — desdi ki ta ser dadu dividu kréditu. Fontis aseitável ta inklui fulhetus, rilatórius, sites, livrus, artigus, palestras, filmis y otus meu di komunikason.

Ten dos forma kuretu di inklui trabadju di otu algen na bu skrita:

- Sitasons diretu, ki debi ser kulokadu entri aspas y sitadu na bu pájina di obras sitadu.
- Riskrebi, o rifurmula infurmason pa bus própriu palavra, u ki tanbe ta iziji un sitason na testu y un referensia kursorpenti na pájina di obras sitadu.

Feramentas di IA podi ser utilizadu pa jerason di ideias, virifikason gramatikal o apoiu pa piskiza, ma es **ka** podi ser utilizadu pa skrebi rispostas konpletu, ridasons o prujetus na nomi di alunu. Invia trabadjus jeradu pa IA komu si es fosi di bo é konsideradu dizonestidadi akadémiku.

Plájiu y Fraudi

Plájiu é atu di utiliza trabadju, ideias o palavras di otu algen sen da-l dividu kréditu. Keli ta inklui:

- Kopia di otu alunu
- Kopia o riskrebi di un fonti (inkluindu IA) sen sitason
- Invia kontiudu jeradu pa IA sima trabadju orijinal

Konsikuensias pa plájiu o fraudi ta inklui:

- Nota zeru na tarefa
- Pusivel ason disiplinar di parti di SST
- Na kazu di viulasons repetidu o gravi, un konfirensia familiar ku Direson di BGA

Integridadi akadémiku é isensial pa un idukason signifikativu. Nu ta spera ma tudu alunus ta rializa sis trabadju ku onestidadi y risponsabilidadi y nu ta insentiva familias a apoia es spetativas na kaza.

Pulitika di Vestuáriu

Na Boston Green Academy, nu sta konprumetidu na garanti ma nos kódigu di vestuáriu ta prumovi justisa, asesu a idukason y rispetu pa tudu menbrus di nos kumunidadi skular. Diretrizis foi ilaburadu pa ivita riforsu di steriótipus y es ta bai ser aplikadu di forma konsistenti y ikuitativu. Nihun alunu ta bai ser marjinalizadu o diskriminadu ku bazi na rasa, seksu, identidadi o spreson di jéneru, orientason seksual, etnia, rilijion, prátika kultural, rendimentu familiar o tipu/tamanhu di korpu.

Nu ta kridita ma:

- Alunus debi xinti konfúrtável ku sis skodja di vestuáriu y podi partispa plenamenti na skola sen medu di punisons disnesesáriu o virgonha di sis própriu korpu.
- Alunus y funsiunárius ta partilha risponsabilidadi di jeston di distrasons pesual, en vés di inpoi restrisyon pa auto-spreson individual.

Nos kódigu di vestuáriu ten komu objetivu:

- Garanti siguransa na kursu y atividadis na undi ta ser izijidu ropa spisifiku, sima laboratóriu di siensias (ikipamentu di pruteson), dansa (trajis adikuadu) o idukason fiziku (ropa y kalsadu disportivu).
- Permitti alunu di ten liberdadi di uza ropas ki es skodji, ki ta ser konfurtável y rispeitozu.
- Rispeta y afirma jéneru auto-identifikadu di alunu através di sis skodja di vestuáriu.
- Permitti trajis rilijiozu sen medu di punison o prikonseitu.
- Ivita ropas o asesóriu ku linguajen, imajen o kontiudu ofensivu, inkuindu palavrons, diskursu di ódiu o matirial seksualmenti splisitu.
- Pruibi ropas o asesóriu ki ta prumovi o fazi referensia a drogas, álkuol, armas o konpurtamentus ilegal.

Boston Green Academy ta sforsa pa kria un ambienti di aprendizajen puzitivu y inkluzivu. Apizar di nu valoriza individualidadi, spetativas a sigir foi stabelesidu pa garanti siguransa y respetu pa tudu algen:

- Sapatus o sandálias é aseitável, desdi ki es ka riprizenta un risku pa siguransa. É obrigatóriu kalsadu adikuado duranti aulas di idukason fiziku, laboratóriu di siensias, atividadis disportivu y kualker otu ambienti na undi siguransa ta ser un priokupason.
- Alunu debi bisti di forma kazual y konfurtável, ta manti un nivel di prufisiunalismu aprupriadu a ambienti skular.
- Ropas debi kubri zonas intimu tutalmenti, inkuindu jenitais, nádigas, seius y mamilus, ku tesidu opaku. Kamizas debi kubri tronku, bariga y kosta, y ten alsas o mangas.
- Kalsas, saias, kalsons y bistidus debi ser uzadu na sintura o na kuadril, sen ki ropa intirior fika ta parsi.
- Ropas, tatuajen, disenhus o asesóriu ka podi izibi o insentiva viulensia, ódiu, steriótipus, obsenidadis o referensia a gangis, drogas, álkuol, tabaku o kontiudu seksual.
- Uzu di txapéus é permitidu, desdi ki alunu permanesi fasilmenti identifikável.

Abordandu Kestons Rilasiunadu ku Kódigu di Vestuáriu

Si un alunu ka stiver en konfurmidadi ku kódigu di vestuáriu:

1. Es podi ser pididu pa troka ropa pa sis própriu ropa alternativu, si stiver dispunivel na skola.
2. Skola podi furnesi ropa tenpuráriu pa restu di dia.
3. Si for nesesáriu, pais/inkaregadu di idukason podi ser kontaktadu pa trazi un muda di ropa.

Disiplina

Filuzufia di Disiplina

Na Boston Green Academy, nu ta kridita ma disiplina é ka sobri kastigu, ma sin sobri aprendizajen, risponsabilidadi y kumunidadi. Tudu alunu ta kumeti erus, y nu ta odja es mumentus komu oportunidadi di krisimentu. Nos meta é djuda alunu ta rifleti sobri sis skodja, ripara danu oras ki é kontisi y disenholvi konpetensias nesesáriu pa es ser menbrus risponsável y rispetador di nos kumunidadi skular. Nu sta konprumetidu ku prátikas ristaurativu, ki ta konsentra na ripara relason, konstrui konfiansa y garanti ma tudu vozis ta ser obidu. Nu ta intendi tanbe ma kada situason é úniku, y nu ta sforsa pa ikilibra justisa, siguransa y apoiu pa tudu alunu. Familias é parseru isensial nes prusesu, y kumunikason ku kaza é un priuridadi senpri ki disiplina for nesesáriu.

Disiplina Ristaurativu

Disiplina na BGA ta sigi un mudelu prugresivu, o seja, rispostas pa konpurtamentu só ta aumenta en termus di gravidadi si konpurtamentus kontinua o si es bira más gravi. Es absurdajen ta garanti ma alunus ta ten oportunitadís di rifleti y midjora, na mesmu tenpu ki é ta manti skola siguru y sulidáriu pa tudu algen.

Niveis di Disiplina Prugresivu

Niveis	Izenplus di Konpurtamentu	Pusivel Rispostas
Nivel 1: Intervensons na Sala di Aula	Dizobidiensia/*nau kunprimentu di spetativas di sala di aula, pikenus interupson, linguajen inadikuadu, pikenus infrason di pulitikas di sala di aula, atrazus, etc.	Rediresiunamentu verbal, mudansa di asentú, riunion entri profesor y alunu, fixa di rifleksón, konversa ristaurativu, kontaktu ku pais/inkaregadás di idukason
Nivel 2: Intervensons na Skola	Konpurtamentus rikorenti di Nivel 1, uzu di telemóvel, faltas na aulas, linguajen inprópriu, perturbasons konstanti, etc.	Inkaminhamentu pa diretor/administrador, sirkulu ristaurativu, perda di priviléjius, rifleksón (pur izenplu ditenson), riunion familiar, Rifleksón di Kuartas fera Dipos di Aulas**, etc.
Nivel 3: Insidentis Gravi	Intimidason, brigas, asédiu, vandalismu, amiasas, posi di artigus pruibidu (pur izenplu, vapurizador), etc.	Suspensón dentu o fora di skola, intervensón di siguransa, riunion di rientegrason ku alunu y familia, akordu ristaurativu, Skola na Sábados**, etc.
Nivel 4: Incidentis Gravi o Ripetidu	Insidentis repetidu, armas, drogas, agresons, konpurtamentus rikorenti di Nivel 3, etc.	Suspensón o spulson a longu prazu (di akordu ku pulitika di BPS/Stadu), audiensia a nivel distrital, planu di siguransa, riunion di parseria familiar

Nota: Konsikuensias é diterminadu kazu a kazu, ta konsidera natureza di insidenti, stóriku di alunu y siguransa di kumunidadi skular. Na tudu niveis, familias ta bai ser kontaktadu y alunus ta bai risebi apoiu pa aprendi ku speriensia.

** Rifleksón di Kuartas fera Dipos di Aulas

Komu parti di nos konprumisu di apoia krisimentu di alunus, Boston Green Academy ta rializa Rifleksón di Kuartas fera Dipos di Aulas tudu semana, di 12:00-13:00. Keli ta sirbi komu un pusivel intervensón di Nivel 2 pa alunus ki mesti di más apoiu pa intendi y midjora sis skodja. Durante es periudu, alunus ta bai partisipa di un rifleksón struturadu pa pensa kritikamenti sobri asons o disizons ki leba a es konsikuensia y dizenvolvi stratéjias pa fazi skodjas más puzitivu na futuro.

****Skola na Sábadus**

Boston Green Academy ta oferesi Skola na Sábadus komu konsikuenta kinzenal, di 8:00 ti 12:00. Skola na Sábadus ta sirbi komu un alternativa a disiplina di eskulzon, ta permiti ki alunos ta permanesi na sala di aula y kontinua sis aprendizajen durante semana skular. En vés di es ser suspensus di aulas, alunos ta abdika di parti di sis fin di semana komu konsikuenta pa un violason di Kódigu di Konduta. Durante Skola na Sábadus, alunos teni tenpu di rifleti sobri inpaktu di sis asons — tantu sobri sis kabesa komu sobri kumunidadi skular — y es ta risebi tenpu adisiunal pa konklui tarefas o risebi apoiu akadémiku.

Pais ta bai ser nutiifikadu si sis fidju tiver sidu dadu Skola na Sábadus na kinta-fera antirior a Sábadu privistu.

Intimidason

Intimidason é un problema sériu y é podi rizulta na mididas disiplinary tantu pa parti di Boston Green Academy komu di BPS. Intimidason é un konpurtamentu agresivu ki é intensiunal y ki ta involvi un dizikilibriu di poder o di forsa. Normalmenti, é ta repiti au longu di tenpu. Un kriansa ki sa ta sufri intimidason ten difikuldadi na difendi si kabesa. Intimidason podi asumi várius forma, sima pur izenplu, sota o da soku (intimidason fiziku); pruvoka o koba (intimidason verbal); y intimida ku jestus o eskulzon susial (intimidason nau verbal o intimidason imusiunal).

Cyberbullying (intimidason através di internet) ta kontisi oras ki kriansas o adulesentis ta pratika intimidason entri es ta utiliza internet, telemóvel o otus teknulujia sibernétiku. Keli podi inklui:

- Invia mensajens di testu, e-mails o mensajens instantaniu ku insultus;
- Publika fótus digradanti y inapropriadu o mensajens sobri otus algen na blogs, redis susial o sites;
- Uza nomi di utilizador di terserus pa spadja buatus o mintiras sobri algen.

Akuzasens di intimidason é lebadu mutu a sériu y es ta dizenkadia un investigason pa parti di Ikipa di Apoiu a Alunu. Site di BPS vinkuladu [li](#), ten txeu infurmasons útil pa alunos, familias y funsiunárius sobri programash y intervensens anti intimidason.

Dinunsia Intimidason - alunos y pais é insentivadu a dinunsia direktamenti na un menbru di ikipa o através di [formuláriu di dinunsia](#) di Skolas Publiku di Boston.

Praxi

Praxi é ka permitidu na ninhun organizason studentil, klubi, grupu o ikipa disportivu. Alunos ki pratika praxis kontra otus alunu ta sta sujeitu a Kódigu di Konduta di Skolas Publiku di Boston (BPS). Lei di Praxi di Massachusetts sta inkluidu li di baxu pa tudu alunos:

Leis Jeral di Massachusetts - Kapítulu 269

C. 269, S.17. Krimi di Praxi: Diferensia: Penalizason

Kenha ki for prinsipal organizador o partisipanti na krimi di praxi, sima difinidu nes dokumentu, ta bai ser punidu ku un multa ti tres mil dólar o ku un prizon nun kaza di kureson ti un anu, o ku tudu dos, multa y prizon.

Termu "praxi", tal komu utilizadu nes sekson y na seksons dizoitu y dizanovi, ta signifika kualker konduta o métudu di inisiason na kualker organizason studantil, seja na prupriedadi publiku o privadu, ki, di forma intensiunal o inprudenti, ta kuloka en risku saúdi fiziku o mental di kualker alunu o di kualker otu algen. Tal konduta ta inklui xikotadas, spankamentus, markason a feru, kalistenia forsadu, spuzison a intenpéris, konsumu forsadu di kualker alimentu, bibida alkuóliku, droga o otu substansia, o kualker otu tratamentu brutal o atividadi fiziku forsadu ki podi afeta nigativamenti saúdi fiziku o siguransa di kualker alunu o otu algen, o ki ta submeti tal alunu o otu algen a stres mental istremu, inkluintu privason prulongadu di sonu o diskansu o izulamentu prulongadu .

Sen prijuizi di kualker otus dispuzison en kontráriu nes sekson, konsentimentu ka ta podi ser invokadu komu difeza na kualker prusesu judisial a abrigo des ason. Adisiunadu pa St.1985, c.536; alteradu pa St.1987, c.665.

C. 269, S.18. Diver di Dinunsia Praxi

Kenha ki tiver kunhisimentu ma otu algen é vitima di praxi, sima difinidu na Sekson dizaseti, y stiver prizenti na lukal di krimi, debi, na midida en ki é puder faze-l sen prigu o risku pa si kabesa o pa terserus, dinunsia krimi pa un auturidadi pulisial konpitenti, u kuantu antis, asi ki for razuavelmenti pusivel. Kenha ki ka dinunsia tal krimi ta ser punidu ku un multa ti mil dólar. Adisiunadu pa St.1985, c.536; alteradu pa St.1987, c.665.

C. 269, S.19. Statutus sobri Praxi a ser Furnesidu; Diklarason di Konfurmidadi y Pulitika Disiplinar Izijidu

Kada instituison di ensinu sikundáriu y kada instituison publiku y privadu di ensinu pós-sikundáriu debi furnesi a kada grupu studantil, ikipa studantil o organizason studantil ki ta fazi parti di instituison, ki é rikunhisidu pa el o ki ten permison pa utiliza si nomi o instalasons, o ki instituison ta rikunhesi komu un grupu, ikipa o organizason studantil nau afiliadu, un kópia des sekson y di seksons dizaseti y dizoitu; desdi ki, nu intantu, kunprimentu pa parti di un instituison di rikizitus des sekson, ki ta iziji ki un instituison imiti kópias des sekson y di seksons dizaseti y dizoitu pa grupus, ikipas o organizasons studantil nau afiliadu, ka konstitui prova di rikunhisimentu o apoiu di instituison a riferidus grupus, ikipas o organizasons studantil nau afiliadu.

Kada un des grupus, ikipas o organizasons debi distribui un kópia des sekson y di seksons dizaseti y dizoitu pa kada un di sis menbru, kaloirus, kandidatus o rikerentis di adezon a menbru. Ta ser diver di kada grupu, ikipa o organizason des tipu, ajindu através di si riprizentanti dizignadu, intrega instituison anualmenti un konpruvativu autentikadu ki ta diklara ma tal grupu, ikipa o organizason risebi un kópia des sekson y di seksons dizaseti y dizoitu, ma kada un di sis menbru, kaloirus, kandidatus o rikerentis di adezon risebi un kópia di seksons dizaseti y dizoitu, y ma grupu, ikipa o organizason ta intendi y ta konkorda na kunpri dispuzisjons es sekson y di seksons dizaseti y dizoitu.

Kada instituison di ensinu sikundáriu y kada instituison publiku y privadu di ensinu pós-sikundáriu debi, pelu menus anualmenti, antis o na inisiu di matrikula, intrega a kada algen ki inskrevi komu alunu a tenpu interu na riferidu institusjon un kópia des sekson y di seksons dizaseti y dizoitu.

Kada instituison di ensinu sikundáriu y kada instituison publiku y privadu di ensinu pós-sikundáriu debi aprizenta konselhu di ensinu supirior y, konselhu di idukason na kazu di skolas sikundáriu, pelu menus anualmenti, un rilatóriu ta sertifika ma instituison kunpri ku si risponsabilidadi di informa grupus, ikipas o organizasons studantil y di nutifika kada alunu a tenpu

interu matrikuladu na el sobri dispuzisons des sekson y di seksons dizaseti y dizoitu, y ta sertifika inda ma instituison adota un pulitika disiplinir en relason a organizadoris y partisipantis di praxis, y ma tal pulitika foi stabelesidu ku dividu enfazi na manual di alunu o na meius simelhanti di kumunikason di pulitikas di instituison pa sis alunus. Konselhu di ensinu supirior y, na kazu di instituisions di ensinu sikundáriu, konselhu di idukason, ta bai promulga regulamentus ki ta rigula kontiudo y frikuensia di kes rilatóriu y es debi kumunika prokurador-jeral imediatamenti kualker instituison ki dexe di aprizenta-s. Adisiunadu pa St.1985, c.536; alteradu pa St.1987, c.665; St.1998, c. 161 §§ 557, 558.

Apoiu a Alunu

Ikipa di Apoju a Alunu (SST)

Na Boston Green Academy, nu ta kridita ma alunu ta apreñdi midjor oras ki es ta xinti siguru, apoiadu y saudável. Nos Ikipa di Apoju a Alunu (SST) ta dizenpenha un papel vital na garantia di ben-estar jeral di kada alunu.

SST é konpostu pa prufisiunais didikadu, inklundu asistentis susial, konsilherus skular, un direktor di alunu, kordinadores di kanpu kumunitáriu, un psikólugu skular y un infermeru skular a tenpu interu. Es ikipa ta trabadja di manera kulaburativu pa apoia saúde mental, imusiunal, fiziku y konpurtamental di alunu y prumovi un ambienti skular puzitivu. SST ta dizenpenha tanbe un papel fundamental na apoiu a konduta di alunu y na garanti ma alunu sta pruntu pa apreñdi tudu dia. Através di sis sforsus, Boston Green Academy ta prokura kria un kultura skular na undi tudu alunu ta podi pruspera dentu y fora di sala de aula.

Idukason spesial

Na Boston Green Academy (BGA), nu ta kridita ma un idukason di altu kualidadi debi apoia y inklui tudu alunu. Nos meta é garanti ma alunu ku difisiensia ta risebi servisus, apoiu y opurtunidades ki es mesti pa ten susesu na skola y pa es prepara pa vida dipos di furmatura. BGA sta konprumetidu na propursiona un Idukason Publiku Aprupriadu y Gratuitu (FAPE) na Ambienti Menus Restritivu (LRE), en konfurmidadi ku Lei di Idukason di Individus ku Difisiensia (IDEA), Sekson 504 di Lei di Riabilitason di 1973 y rigulamentus di idukason spesial di Massachusetts (603 CMR 28.00).

Nu ta intendi ma, ás vés, podi parsi konplikadu orienta na anbitu di idukason spesial. Nos pulitikas é ilaboradu pa klarifika funsions, risponsabilidadi y prusidimentus pa familias y alunu podi ta sabi kel kes podi spera. Es pulitikas ta sirbi tanbe komu nos konprumisu di kunpri rikizitus statal y federal, trabadja en parseria ku Gabinete di Idukason Spesial di Skolas Publiku di Boston y di furtalesu nos práttikas kontinuamenti. Familias, funsiunárius y menbrus di kumunidade é insentivadu ta utiliza [Manual di Idukason Spesial di BGA](#) komu un rikursu y komu un rifleksu di nos konprumisu partilhadu ku ikuidadi, inkluzon y iselensia idukativu pa tudu alunu di BGA.

Dipartamentu di Saúde Skular

BGA ta konta ku un infermeru skular a tenpu interu. Favor, liga pa skola pa papia ku infermeru sobri infurmasions médiku y/o tratamentus/medikamentus ki alunu ta bai mesti duranti dia letivu. Rigulamentus ta iziji pa tudu medikamentus, tantu kes sujeitu a riseita médiku komu kes di venda livri, ta ser administradu só pa infermeru di skola. Medikamentus OTC (di venda livri) debi ser akunpanhadu di un auturizason pa skritu di Pais/Inkaregadu di Idukason/Kuidador. Riseitas médiku debi ser akunpanhadu di un auturizason skritu di médiku y di pais, ki ta inklui nomi di alunu, nomi/sinatura/infurmasions di kontaktu di preskrito, duzajen/frikuensia y durason di riseita.

Dinunsiantis Obrigatóriu

Tudu funsiunáriu di BGA é dinunsiantis obrigatóriu. Si infurmasons ki ta amiasa siguransa di un o más alunos txiga na nos kunhisimentu, sima na kazu di negligensia o abuzu infantil, Dipartamentu di Kriansas y Familias debi ser kontaktadu.

Prugramas Isternu

West End Boys and Girls Club di Brighton sta lukalizadu a apenas 10 minutu a pé di BGA. West End ta oferesi prugramason dipos di oráriu skular pa alunos nun ambiente siguru y strukturadu. Favor, entra en kontaktu ku es através di tilifoni 617-787-4044 pa más ditalhis y dúvidas sobri matrikula.

Transporti

Transporti di Autokarus Amarelu y Pasis MBTA

Atualmenti, só alunos ki ta risebi transporti porta a porta através di sis Planu di Idukason Individualizadu (IEP) ki ten garantidu transporti di autokaru amarelu di distritu. Tudus kes otu alunu ta risebi pasis MBTA di 7 dia.

Alunos di 7^o y 8^o anu podi [sulisita un izenson](#) pa es ser inkluidu na lista di autokarus skular amarelu. Es sulisitason ta ser analizadu kazu a kazu. En jeral, debi ta ten un autokaru dja prugramadu ku paraji di autokaru a un kurtu distansia di kaza di alunu, y debi ten un lugar dispunibel na riferidu autokaru.

Pasis MBTA (M7)

Alunos ki ka for dizignadu pa transporti na autokaru amarelu ta risebi un pasi MBTA M7 na primeru dia di aulas. Es pasi ta oferesi asesu ilimitadu a servisus di MBTA durante anu letivu.

Si un alunu perdi si pasi, é debi djobi Sra. Reveles na bibliuteka pa sulisita un substituison. Pulitika di substituison é siginti:

- Primeru substituison: Gratuitu
- Sigundu substituison: Taxa di \$5
- Terseru substituison e kes a sigir: Taxa di \$10 pa pasi

Alunos é insentivadu ta toma konta di sis pasi M7, pamo é di sis responsabilidadi durante anu letivu interu.

Xigada

Autokarus skular sta prugramadu pa txiga BGA entri 7:15 y 7:30. Si un autokaru txiga más sedu, alunos debi permanesi na el ti 7:15, oras ki idifisiu di skola ta abri.

Alunos ka ten permison pa sai di campus dipos di es txiga na autokaru. Alunos di Ensinu Sikundáriu debi diriji pa entrada prinsipal di skola pa entra na idifisiu y pasa pa nos prusesu di siguransa skular. Alunos di Ensinu Báziku debi diriji pa porta lateral di ladu di skola sikundáriu di idifisiu, au longu di Warren Street, pa entra na idifisiu y pasa pa nos prusesu di siguransa skular.

Saída

Alunus ki ta utiliza autokaru skular amarelu debi diriji pa lukal dizignadu pa saída di autokaru pa 14:55 (5 minutu antis di fin di último bloku di dia). A partir di la, ta bai ser txomadu númerus di autokarus, ta indika ma alunus podi sai di idifisiu y diriji pa sis autokaru. Alunus ki ta utiliza autokaru skular amarelu y ki ka aprizenta na lukal di saída di autokaru ta bai sta ta viola regras di skola y es ta bai sta sujeitu a mididas disiplinár prugresivu, inklúndu suspensón di direitu di utiliza transporti di autokaru amarelu y/o suspensón di skola.

Kuzé ki ta kontisi si-n perdi autokaru?

Apizar di ki sigi prusidimentus kuretu pa saída debi ta ivita perda di autokarus, nu ta intendi ma ta podi surji situasóns okaziunalmenti. Si un alunu perdi autokaru, ta bai ser tomadu sigintis midida:

1. Kontakta Pais/Inkaregadás di Idukason – Skola ta bai nutifika pais o inkaregadás di idukason pa splika situasón y determina si es podi bai buska alunu o aprova un forma alternativu pa alunu txiga na kaza.
2. Kontakta Transportis di BPS – Si ka tiver transporti alternativu dispunivel, skola ta bai entra en kontaktu ku Transportis di BPS pa sulisita un "autokaru di rizerva".

Atensón: Autokarus di rizerva é ka garantidu y es podi kauza atrazus signifikativu, ku alunus ta txiga kaza ku várius ora di atrazu. Familias é fortimenti insentivadu a garanti ma alunus ta sigi prusidimentus di saída pa ivita es transtornus.

Transporti Publiku

Opsóns di Transporti Publiku:

- **Linha B di Green Line T** ti paraji Warren Street. Kaminha pa Warren St., skola ta fisa a direita.
- **Autokaru 57 di Kenmore** ti paraji Dustin Street, ki ta fika danti skola.
- **Autokaru 66 di Dudley** pa Brighton Ave, dipos panha autokaru 57, ki ta pára na entrada di Cambridge Street.
- **Autokaru 501 na skina di Franklin ku Federal Street:** 501 é un autokaru di transporti di servisu; é ta opera só di pal manhan (6:00 - 9:00) y di noti (15:30 ti 19:30).

MBTA/Transporti distrital y Konpurtamentu di Viajen:

Nu ta lenbra alunus ma tenpu di dislukason antis y dipos di aulas é konsideradu parti di dia skular. Des manera, alunus sta sujeitu a Kódigu di Konduta di BPS oras ki es ta disloka di y pa skola através di MBTA, transporti distrital, o oras ki es ta bai a pé o di karu di y pa skola. Alunus ki ta utiliza MBTA y transporti distrital debi izersi respetu y muderasón. Alunus ta riprizenta Boston Green Academy na sis dislukason di ida y volta pa skola na autokarus, konboius y ilétrikus. Es debi dimonstra bons modu y respetu pa sis kabesa y pa otus pasajeru na tudu mumentu. Konpurtamentus sima linguajen inprópriu, obi múzika altu, brinkaderas prigozu, brigas, fuma, etc. é mutivu pa suspensón di skola. Si un alunu perdi direitu di utiliza autokaru, é di risponsabilidadi di familia pruvidencia transporti alternativu.

Prusidimentus di Transporti di Imerjensia

Na Boston Green Academy, nu ta spera ma familias ta toma tudu mididas nesésáriu pa transporti rigular di sis alunus. Skola só ta djuda na transporti na situasóns di imerjensia o na último kazu, oras ki ka stiver dispunivel otus opson.

Si un alunu mesti di transporti di imerjensia, ta bai ser tomadu sigintis midida:

1. **Kontaktu ku Pais/Inkaregadás di Idukason**

Skola primeru ta bai entra en kontaktu ku pais/inkaregadás di idukason di alunu pa sulisita pa es furnesi transportasi.

2. **Transporti Publiku**

Si for aprupriadu, pesual ta bai determina si alunu podi utiliza transportasi publiku ku siguransa. Idadi y speriensia ku transportis publiku ta bai ser konsideradu.

3. **Kontakus di Imerjensia**

Si pais/inkaregadás di idukason ka stiver dispunivel, skola ta bai entra en kontaktu ku pesoas listadu na lista di kontaktus di imerjensia di alunu.

4. **Mididas Alternativu**

Só si tudu opsons li riba ka stiver dispunivel é ki skola ta bai splora alternativas adisiunal. Kes li podi inklui:

- Un servisu di transportasi partilhadu (Uber/Lyft/táksi) kazu alunu tiver un **formuláriu di Izenson di Imerjensia sinadu rijistadu**.
- Buleia di un menbru di pesual skular, ma só si otu menbru di pesual stiver prizenti na veikulu durante perkursu interu y si tantu pai/inkaregadu di idukason komu Direktor di Skola (o pesoa dizignadu) da permison pa skritu (mensajen di testu o e-mail é aseitável).

Tudu transportasi di imerjensia é rijistadu, muniturizadu y aprovalu pa diredon di skola.

Atletismu

Boston Green Academy ta orgulha di fazi parti di un kuperativa atlétiku di susesu ku skolas Josiah Quincy y Mary Lyon, ta konpiti djuntu komu **Boston United**. Através des parseria, alunu di BGA ten asesu a un anplu variedadi di disportus konpitiu di ensinu sikundáriu, inkluindu:

- Voleibol Femininu (Júnior y Prinsipal)
- Pista Kubertu & Isterior (Júnior y Prinsipal)
- Basketebol Femininu y Maskulinu (Júnior y Prinsipal)
- Luta Livri Femininu y Maskulinu
- Voleibol Maskulinu (Prinsipal)

Pa es ser akademikamenti ilejivel pa partisipa na disportus di ensinu sikundáriu, alunu debi manti un **GPA** minimu di **2.0** na inisiu di tenpurada.

BGA ta manti tanbe un parseria ativu ku Brighton High School pa sigintis disportu:

- Futebol Amerikanu
- Animadoras di Tursida
- Futebol Femininu y Maskulinu
- Softball
- Beizebol

Kes mesmu rikizitu di ilejibilidadi akadémiku ta aplika pa es ikipas.

Rikizitus Inpurtanti di Partisipason pa Atletismu na Ensину Sikundáriu:

- Un izami fiziku válidu rijistadu (atualizadu anualmenti)
- Inskrison através di portal di alunu ASPEN
- Furmuláriu di konsentimentu sinadu pa pais/inkaregadu di idukason

Alunu é obrigadu a filia na ikipas di Boston United oras ki un disportu ta ser oferesidu através di kuperativa.

Nota ma si un disportu ka stiver listadu, BGA podi trabadja ku alunu y ku BPS Athletics pa djuda ta atxa un ikipa ki ta oferesi es disportu.

Atletismu di Ensину Báziku na BGA

BGA ta oferesi basketebol femininu y maskulinu pa ensinu báziku, ta prumovi dizenvolvimentu atlétiku prikosi y trabadju en ikipa. Pa es ser ilejivel pa partisipa, alunu di ensinu báziku debi kunpri sigintis kritériu:

- Ka ten notas F y só un nota D na disiplinas akadémiku atual (notas ta ser virifikadu semanalmenti)
- Bon konpurtamentu y konduta konsistenti
- Un izami fiziku atual rijistadu

Nu sta konprumetidu na apoia nos alunu-atleta a nivel akadémiku, susial y fiziku, y nu ta insentiva tudu alunu ilejivel pa apruveta oportunitadís dispunivel através di nos pruogramas dispurtivu.

Pulitika di Dispensa Disputivu na BGA

Alunus-atleta di BGA ka ta bai ser dispensadu más sedu y/o ka ta bai partisipa na iventu disputivu na sigintis kondison:

1. Alunu staba auzenti o isesivamente atrasadu pa skola na kel dia
2. Alunu sa ta riprova o na risku di riprova na si último periodu di aula

Alunu sa ta kunpri un konsikuensia konpurtamental trokadu mau konduta

Notas ta ser rivistu na noti antirior a kada iventu disputivu pa determina ilejibilidadi pa dispensa. Es pulitika foi inplimentadu pa priuriza dizenpenhu akadémiku, risponsabilidadi y konpurtamentu risponsável.

Unified Sports na BGA

BGA ta orgulha di ten un parseria kontinu y ben susedidu ku Special Olympics pa oferesi nos alunus ku difisiensia intelektual Unified Sports. Atualmenti, nu ta oferesi Unified Soccer na otonu y Unified Basketball na invern.

Pa partisipa, alunus debi fazi parti di nos programa LFI (Life Skills Functional Instruction) o ser silesiunadu komu un Unified Buddy. Buddys é alunus skodjedu ku bazi na bon dizenpenhu akadémiku, konpurtamentu puzitivu y asiduidadi konsistenti. Es programa inkluzivu ta prumovi trabadju en ikipa, amizadi y spiritu skular entri tudu grupus di alunus.

Pulitika di Rigresu pa Djogu

Si un alunus-atleta liziona duranti tenpurada y é for djobedu pa un médiku, é ka ta podi volta pa aktividadis disputivu o pa aulas di idukason fiziku ti ki é risebi alta médiku. Debi ser aprizentadu un atestadu médiku válido pa konfirma lisensa artis di partisipason podi ser ritomadu.

Akadémiku

Pulitika di Avaliason

Na Boston Green Academy, nos meta é garanti ma notas ta rifleti kel ki alunus **aprendi y intendi**, y nau apenas si es konklui un tarefa o es sigi instrusons. Nu ta kridita ma notas debi furnesi un ritornu signifikativu sobri prugresu akadémiku y duminiu di konpetensias di alunu.

Notas ta bazia prinsipalmenti na **avaliasons sumativu**, ki é opurtunidadis pa alunus **dimonstra sis konprienson** di konseitus-xavi. Kes li podi inklui testis, ridasons, aprizentasons, prujetus y partisipason na atividadis sima siminárius Sokrátiku o diskusons sientifiku. Na alguns kazu, alunus ta ser tanbe avaliadu pa sis **kontribuson pa kumunidade di aprendizajen**, sima pur izenplu através di trabadjus di grupu o prujetus kulaburativu.

Nu ta kridita tanbe na da alunus opurtunidadis di krisimentu. Pa avaliasons inpurtanti, alunus ta kustuma ten opurtunidade di **rifazi, rive o riaprendi** pa dimonstra un midjor konprienson. Aprendizajen é un prusesu, y nos prátikas di avaliason é prujetadu pa apoia alunus na sis jornada pa prufisiensia.

Pezu di Avaliason

Boston Green Academy ta utiliza un skala di avaliason ki ta varia entri 40 y 100 pontu. Nota más baxu ki un alunu podi risebi nun tarefa é di 40%, mesmu pa trabadju nau fetu. Uniku iseson é na kazus di viulasons akadémiku gravi, sima plájiu, na undi podi ser atribuidu un nota abaxu di 40%. Na fin di anu letivu, nota jeral más baxu ki un alunu podi risebi é F+, ki ta permiti-l ser ilejivel pa opurtunidadis di aprendizajen di veron pa rikupera kréditus o midjora sis prufisiensia.

Pezus di avaliasons é prujetadu pa es ser adikuadu a dizenvolvimentu y alinhadu entri anus skular di ensinu báziku y sikundáriu:

7º y 8º Anus:

- 35% Avaliasons Furmativu (prátikas y virifikasons di prugresu)
- 65% Avaliasons Sumativu (prujetus final, testis, tarefas grandi)

9º y 8º Anus:

- 20% Avaliasons Furmativu
- 80% Avaliasons Sumativu

Es strutura ta garanti ma alunus ta risebi apoíu na sis jornada di aprendizajen, na mesmu tenpu ki es ta ser mantidu baxu di altus padron akadémiku a midida ki es ta prugridi na skola.

Skala di Avaliason

Anu	Intervalu Persentual	Pontus GPA	Diskrison
-----	----------------------	------------	-----------

A+	97 - 100	4,3	A – Klasifikason jeral di Iselenti. Alunu produzi un kombinason di trabadju prufisienti y avansadu na tudu matirial, ta kunpri y/o ta supera padrons.
A	93 - 96	4,0	
A-	90 - 92	3,7	
B+	87 - 89	3,3	B – Klasifikason jeral Asima di Média. Alunu produzi un trabadju ku prufisiesia na tudu matirial, ta kunpri padrons stabelesidu.
B	83 - 86	3,0	
B-	80 - 82	2,7	
C+	77 - 79	2,3	C – Klasifikason jeral di Prufisienti. Alunu konklui trabadju ku prufisiesia na objetivus más inpurtanti y é aprizenta disenpenhu prufisienti o parsialmenti prufisienti na kes otu.
C	73 - 76	2,0	
C-	70 - 72	1,7	
D+	67 - 69	1,3	D – Klasifikason jeral di Mesti Midjora. Alunu konklui trabadju ku prufisiesia na más di 60% di matirial atribuidu.
D	63 - 66	1,0	
D-	60 - 62	0,7	
F	59 o menos	0,0	F – Klasifikason jeral di Mau. Alunu konklui trabadju ku prufisiesia na menos di metade di objetivus stabelesidu.

Pulitika di Prumuson y Ritenson

Ensinu Báziku (7º & 8º Anus)

BGA ta fazi tudu sforsu ki é pa un alunu di 7º anu ser prumuvidu pa nivel a sigir. Pa un grandi variedadi di razons, ritenson é odjadu komu un último rikursu. Nu intantu, si un alunu ka tiver dimonstradu kompetensias nesésariu pa nivel a sigir, tiver riprovadu na várius disiplina y/o aprizenta asiduidadi baxu, ta bai ser markadu un riunion di pais pa diskuti pusibilidadi di ritenson. Disizon final sobri prumuson/ritenson ta ser tomadu pa administrason di skola.

Na fin di sigundu trimestri, Konsilheru Skular ta bai analiza notas ku ikipas di kada nivel skular, y ta bai aviza familias di alunus ki ka sta na kaminhu sertu. Alunus podi ser kulokadu nun kontratu akadémiku y ser obrigadu ta frikuenta klubi di trabadjus di kaza y aulas partikular pa ten apoiu akadémiku estra. Ta bai ser nesésariu otu riunion familiar na fin di 3º trimestri pa diskuti prugresu.

Alunus di 8º ano debi dimonstra ma es ten kompetensias nesésariu pa ten susesu na rigor di trabadjus di ensinu sikundáriu pa es ser pumuvidu pa 9º anu. Alunus di IEP debi ta sta ta fazi prugresus adikuadu en relason a sis metas di IEP. Skola di veron podi ser izijidu si alunus riprova na dos o más disiplinas. Ka frikuenta skola di veron podi rizulta na riprovason.

Serimónia di Furmatura di 8º Anu

Fin di ensinu báziku é un marku inpurtanti, y nu sta intuziasmadu pa silebra konkistas di nos alunus di 8º anu. Na més di junhu, alunus ta bai partisipa na Serimónia di Furmatura, ki ta rikunhesi sis konkista na ensinu báziku y marka sis tranzison pa ensinu sikundáriu. Es ta bai disfruta tanbe di un eskurson spesial, na undi distinu é skodjedu ku bazi na sugestons di alunus. Pa es kualifika pa tudu dos iventu, alunus debi dimonstra priparason pa ensinu sikundáriu, ta atendi

spetativas na três ária: manti pelu menus 80% di asiduidadi, aprizenta bon konpurtamentu (sen suspensons y inkaminhamentus gravi repetidu) y ten un média jeral di 60.0 (D) o supirior na tudu disiplinas di anu letivu. Alunos ki ka ta kunpri es kritérius podi ka ser ilejivel pa partisipa, a kritériu di Visi Diretor di Skola.

Ensinu Sikundáriu (9^o-12^o Anu)

Disizons di Prumuson/Ritenson na nivel di ensinu sikundáriu (9^o-11^o anu) é tomadu ku bazi prinsipalmenti na prugresu di alunu pa konpleta rikizitus di furmatura di BPS y BGA. Ta ser fetu sforsus pa prumovi alunos, ma si alunu afasta txeu di kaminhu y é mesti fazi un anu interu di kursus akadémiku a partir di inisiu di anu letivu, é ta bai ser retidu na si nivel skular.

Si un disiplina Báziku (kes izijidu pa furmatura) for riprovadu, é debi ser rikuperadu na rivizon di veron di BPS.

Pa ser konsideradu sénior, alunu debi ter obtidu pelu menus 10 kréditu na disiplinas izijidu pa furmatura. Un alunu ki ka atinji kela ta bai ripiti anu komu junior.

Rikizitus di Furmatura na Ensinu Sikundáriu

Pa es podi forma, tudu alunos debi ser aprovalu na sigintis disiplina:

- 4 anu di kursus d Inglés komu Sigundu Lingua (o ESL)
- 4 anu di Matimátika
- 4 anu di Siensias di Laburatóriu
- 4 anu di Umanidadis
- 2 anu di Lingua Stranjeru (podi ser dispensadu pa alunos di ESL / Idukason Spesial, kazu a kazu)
- 2 kursu semestral di Artis
- 4 kursu semestral di Idukason Fiziku

Alen disu, alunos di BGA debi konpleta:

- Junior Review
 - Junior Review é un prujetu di konkluzon di kursu pa alunos di 11^o anu, ki ta distaka sis krisimentu através di aprendizajen baziadu na prujetus. Alunos ta rifleti sobri sis speriensia na ensinu sikundáriu, ta aprizenta sis trabadju nun painel y ta partilha metas futuro — un pasu inpurtanti na preparason pa fakuldadi y kareras.
- Stájiu Sénior
 - Na fin di último anu, tudu alunu ta partisipa nun stájiu di 5 semana, ku karga oráriu di 100 ora, nun lukal di sidadi. Kela ta permiti alunos dizenvolvi kompetensias profusiunal, splora interesis di karera y ganha konfiansa através di aprendizajen prátiku fora di sala di aula.
- 40 ora di Servisu Kumunitáriu
 - Pa es podi forma, alunos mesti konpleta pelu menus 40 ora di servisu kumunitáriu. Tudu oras ta ser rijistadu na my.innerview.org, ki ta permiti alunos rijista oras, atxa opurtunidadis y stabelesi metas baziadu na servisu pa sis kabesa.

Rikizitu di Diterminason di Kompetensias pa Furmatura (CD)

Alen di rikizitus di furmatura di BGA, lei statal di Massachusetts ta iziji pa tudu alunos kunpri Diterminason di Kompetensias (CD) pa ten diploma di ensinu sikundáriu. Es rikizitu antis ta staba vinkuladu ku MCAS; gosi ta aplikadu diretrizis statal atualizadu.

Pa kunpri rikizitu di CD, bu mesti ser aprovalu nes disiplinas (o ikivalentis):

- **Inglés:** Dos anu di Inglés na ensinu sikundáriu.
- **Matimátika:** Un anu di Álgebra I y un anu di Jiometria (o matimátika integradu). Si bu fazi Álgebra I na 8º anu, ta konta.
- **Siensias:** Un anu di Biulijia, Fizika, Kimika o un disiplina di Siensias orientadu pa Ensinu Profisiunal/Teknulójiku.
- **Stória:** Un anu di Stória di EUA (keli é abordadu na nos disiplina di Umanidadis 1).

Ofertas di Kursus

Ensinu Sikundáriu

- [Diskrison di Kursu di Ensinu Sikundáriu SY 2025-2026 \[Inglés\]](#)
- [Diskrison di Kursu di Ensinu Sikundáriu SY 2025-2026 \[Spanhol\]](#)

Ensinu Báziku

- [Diskrison di Kursu di Ensinu Báziku SY 2025-2026 \[Inglés\]](#)
- [Diskrison di Kursu di Ensinu Báziku SY 2025-2026 \[Spanhol\]](#)

Oportunidadis di Aprendizajen Asileradu

Pa iduka y kapasita alunos pa es ten susesu na fakuldadi y na karera, BGA ta oferesi un variedadi di oportunidadis di aprendizajen asileradu.

Álgebra 1 - 8º Anu

Un turma di alunos di 8º anu ta bai ser silesiunadu ku bazi na sis pontuason di matimátika na MAP di Primavera (testi interkalar di distritu) y na rikumendason di profesor di 7º anu. Es turma ta bai studa matimátika di 8º anu y Álgebra 1 (normalmente un disiplina di 9º anu) simultaniamenti. Konkluzon ben susedidu y apruvason na disiplina di Álgebra 1 ta bai garanti alunu un kréditu di ensinu sikundáriu y ta bai kuloka-l na kaminhu di kálkulu AP.

Aulas di Kulokason Avansadu (AP)

Kursus di Kulokason Avansadu (AP) ta oferesi alunos opurtunidad di es involvi na kursus dizafiador di nivel universitáriu inkunatu es ta frikuenta ensinu sikundáriu. Es aulas ta djuda alunos ta furtales pensamentu kritiku, skrita y kompetensias di rizulason di problemas. Na fin di kada kursus, alunos podi fazi un izami nasiunal AP y, ku un pontuason kualifikadu, es podi obten kréditus universitáriu o avansu akadémiku na txeu fakuldadis y universidadis.

Nomi di Turma	Disiplina	Nivel Skular Oferesidu
Simináriu de AP	Lingua y Literatura Ingleza	Anu 10
Lingua y Konpuzison AP	Lingua y Literatura Ingleza	Anu 11
Literatura y Konpuzison AP	Lingua y Literatura Ingleza	Anu 12
Pré-Kalkulu AP	Matimátika	Anu 12
Prinsipius di Siensia di Konputason AP	Matimátika	Anu 11 & 12
Siensias Ambiental AP	Siensias	Anu 11 & 12
Studus Afro-Amerikanu AP	Umanidadis	Anu 10 - 12
Guvernason y Pulitika Konparadu AP	Umanidadis	Anu 12
Psikulujia AP	Umanidadis	Anu 11 & 12

Matrikula Duplu

En parseria ku Cambridge College, alonus ten opurtunidad di partisipa na kursus di matrikula duplu. Es programa ta spoi alonus a kursus rigurozu di nivel universitáriu inkuantu inda es sta na ensinu sikundáriu y ta oferesi ipótezi di obten kréditus universitáriu. Através des speriensia, alonus ta dizenvolvi konpetensias akadémiku, konfiansa y priparason nesesáriu pa futuru susesu na ensinu supirior.

Nomi di Turma	Disiplina	Nivel Skular Oferesidu
Fizika	Siensias	Anu 12
Siensia Furensi	Siensias	Anu 11 & 12
Statistika	Matimátika	Anu 11 & 12

National Honors Society (NHS) and National Juniors Honors Society (NJHS)

National Honor Society (10º - 12º anu) y National Junior Honor Society (7º - 9º anu) ta rikunhesi alonus ki ta dimonstra iselensia na bolsa di studus, lideransa, servisu, karáter y didadania. Adezon a es organizasóns ta oferesi alonus opurtunidadis pa dizenvolvi putensial akadémiku, furtales konpetensias di lideransa y kontribui puzitivamenti pa skola y pa kumunidade através di servisu. Alonus interesadu na entra na NHS o na NJHS podi kandidata duranti invern, ku admisóns rializadu na primavera.

Idukason Tékniku y Prufisiunal (CTE)

Boston Green Academy ta orgulha di oferesi un perkursu abranjenti di kuantu anu, aprovađu pa Kapitulu 74 di Idukason Tékniku y Prufisiunal (CTE) na Siensias Ambiental y Teknulujia, pa alunos di 9º - 12º anu — kel úniku des tipu na Skolas Publiku di Boston. Es prugrama rigurozu ta kombina aprendizajen práktiku, dizenvolvimentu di kompetensias tékniku y kursu fokadu na sustentabilidad pa pripara alunos pa fakuldadi, kareras y lideransa siviku na ikonumia verdi. Alunos ki konklui prugrama ta bai risebi sertifikason o kredensiais padron di indústria y es ta bai sta priparadu pa merkadu di trabadju o pa más studus alen di BGA.

Rikizitus di Admison

Prugrama CTE sta abertu pa tudu alunos admitidu y matrikuladu na Boston Green Academy. Indipendentimenti di alunu oferesedu un vaga na pupulason jeral di skola komu novu alunu di BGA a partir di 9º anu o é tiver prugredidu a partir di própriu skola báziku di BGA, prusesu di admison pa prugrama CTE é identiku.

Prugrama CTE é rejidu pa un pulitika di admison spesial, y alunos debi utiliza kandidatura "career pathway (perkursoru prufisiunal)" di BGA pa es ser konsideradu pa admison oras ki es entra na 9º anu. Furmuláriu di kandidatura sta dispunivel na site di BGA na <https://www.bostongreenacademy.org/enviromscience-pathway> o [Furmuláriu di Kandidatura pa Prugrama CTE di Siensias Ambiental y Teknulujia di Boston Green Academy](#) y é sta dispunivel pa tudu alunos y familias na formatu inpresu na BGA. Infurmasons sobri prugrama CTE y prusesu di admison spesial é divulgadu através di mesmu kanal di divulgason ki BGA ta utiliza pa ifeitus di admison jeral. Infurmasons sobri CTE é partilhadu tanbe através di iventus prizensial ku alunos di 8º anu y di ensinu sikundáriu di BGA, na orientason pa novus alunu na més di maiu y na kumunikadus dirijidu pa tudu alunos risen-matrikuladu na BGA, indipendentimenti di sis prizensa na orientason di maiu.

Alunu ten opson di é inskrevi na prugrama CTE sin ki es oferesel y é seta un lugar na turma di 9º anu di BGA. Si prokura pa matrikula na CTE for igual o más baxu ki número di vagas dispunivel nun diterminadu anu, pulitika di BGA é admiti tudu kandidatus. Si prokura for maior ki vagas dispunivel nun diterminadu anu, BGA ta bai rializa un surteiu spisifiku pa CTE na junhu.

Alen disu, si for abertu vagas na anus skular subsikuenti nun diterminadu anu, BGA ta rizerva direitu di prienxi kualker vagas y é ta iziji pa kandidatus pa kes vaga sigi kel mesmu prusesu diskritu li riba pa alunos ki ta entra na 9º anu. Si prokura isedi vagas dispunivel, ta bai ser utilizadu mesmu surteiu.

BGA ta pretendi ten sis listas di CTE finalizadu ti fin di més di junhu di kada anu pa prósimu anu letivu.

Prugreson di Prugrama

Alunos ta kumesa na 9º anu ku un bazi na siensia di sistemas Terestri, dipos es ta fazi tranzison pa jeston di un kinta idropóniku vertikal y es ta lansa un agro-nigósium skular na 10º anu. Na 11º anu, es ta splora arkitetura sustentável y konseson di konstrusons verdi através di strutura LEED. Perkursu ta kulmina na 12º anu ku un murgudju prufundu na siensia di dadus jeospasial, ta utiliza software GIS pa analiza y rizolvi dizafius ambiental di mundu rial.

Prinsipal Karakteristikas

- Kridensiais rikunhesidu pa indústria (purizenplu, OSHA-10)
- Aprendizajen na kanpu y agrikultura urbanu
- STEM aplikadu, Siensia di dadus y literasia ambiental
- Parserias kumunitáriu y inpiendedurismu
- Priparason pa ensinu supirior y pa merkadu di trabadju

Rizultadus

Formadus ta adikiri kompetensias tékniku avansadu, sertifikason profisiunal y speriensia prátiiku na siensias ambiental, agrikultura, sustentabilidadi, konseson, y análizi di dadus — ki ta pripara-s pa futurus karera na konservason, planiamentu y ikonumia verdi.

Prugramason Verdi

BGA Green Line (Linha Verde di BGA): Un Skola Publiku Verdi na Ambienti Urbanu

Boston Green Academy (BGA) ta orgulha di ser un **National Green Ribbon School** (Skola Nasiunal Fita Verdi), rikunhesidu pa Dipartamentu di Idukason di EUA pa nos konpromisu ku sustentabilidadi y justisa. Nu inkurpora sustentabilidadi na tudu aspetus di vida skular: kurikulum, operasons, involvimentu kumunitáriu y speriensias di alunus.

Nos mison é pripara alunus pa es bira lidere na tranzision pa un mundu más verdi y justu. Nu ta txoma es jornada di **BGA Green Line (Linha Verde di BGA)**, un prugreson di markus ki alunus ta perkori ti furmatura.

Triangulu di Sustentabilidadi

Trabadju verdi di BGA é orientadu pa Triangulu di Sustentabilidadi:

- Sustentabilidadi Ambiental – pruteji y prizerva mundu natural y rikursus ki nu ta dipendi del.
- Sustentabilidadi Susial – foka na justisa, ikuidadi, y justisa pa kumunidades.
- Sustentabilidadi Ikunómiku – kria sistemas di longu prazu ki ta ikilibra rikursus, stabilitadi y krisimentu.

Alunus ta aprendi ta analiza problemas di mundu rial, ta ikilibra nesesidadis prizenti ku kes di futurus jerason. Es ta pratika aplikason di pensamentu kritiku, rizulusion prátik di problemas y análizi sistémiku pa dizafius ambiental y susial rial.



Kultura Verdi y Prátika Diáriu

“Verdi” na BGA ka ta limita a aulas di siensias — é un **kultura ki ta abranji skola interu**. Nu ta insentiva alunus y funsiunáriu ta pensa kriticamenti sobri:

- Kel ki sta fizikamenti prizenti na nos spasu (ar, águ, idifisius, rikursus).
- Modi ki sustentabilidadi ta fazi parti di ensinu y di aprendizajen.
- Si pulitikas y prusidimentus sta alinhadu ku valoris verdi.
- Fontis di nos alimentus, águ y inerja.
- Nos pegada di karbonu kuletivu di transporti.
- Modi ki nos kumunidade ta dimonstra ativismu y lideransa na justisa klimátiku y susial.

Na dia a dia, es kultura ta manifesta na rutinas sima **konpustajen na kantina**, na undi restus di kumida ta ser transformadu en solu en vés di lixu.

Spuzisons Verdi

Tudu primavera, alunos di 7º - 11º anu ta partisipa na Spuzisons Verdi, undi alunos ta piskiza kestons di sustentabilidadi, ta sintetiza aprendizajen entri disiplinas y ta aprizenta kumunidadi diskubertas. Es prujetus ta inklui:

- Piskiza primáriu, entrevistas y trabadju di kanpu.
- Aprizentasons multimédia, posters y xamadas pa ason
- Opurtunidadis pa konvidados konprumeti ku un vida sustentável.

Speriensia kulminanti é Green Action Expo di 11º anu, rializadu na Boston University's Center for Computing and Data Sciences (Sentru di Konputason y Siensias di Dadus di Universidadi di Boston). Li, alunos ta aprizenta piskizas y es ta prupoi sulusons ki ta konekta sis própriu kumunidadis ku dizafius más anplu di sustentabilidadi.

Aprendizajen speriensial y Baziadu na Lugar

Alunos di BGA ta anplia aprendizajen pa alen di sala di aula através di:

- Aulas au Ar Livri – involvimentu prátiku ku jardins, plantas nativu y prujetus di sustentabilidadi.
- Vizitas di kanpu pa Cathleen Stone Island Outward Bound (ensinu báziku), Kamara Munisipal di Boston (idukason siviku y guvernason) y mutu más.
- Viajens di aprendizajen di servisu na ensinu sikundáriu sobri temas sima agrikultura urbanu, riziliensia klimátiku, arti publiku y Metas di Dizenvolvimentu Sustentável di Nasons Unidu.
- Freight Farm – un kinta idropóniku na campus na undi alunos ta kultiva verduras ki nu ta sirbi na kantina, ta dimonstra sistemas alimentar urbanu inuvador y di altu teknulujia.

Komu pontu kulminanti, furmandus ta rializa un stájiu di 5 semana, txeu di kual ta foka na kareras y na kestons rilasiunadu ku sustentabilidadi.

Inseramentu

Duranti sis perkursu na BGA Green Line (Linha Verdi di BGA), nos alunos ta bira lidere rifleksivu, abilidozu y inopoderadu. Es ta forma prontu pa prumovi mudansas puzitivu pa Boston y pa mundu.